

MISSÆ PROPRIÆ
DIOECESIS TREVIRENSIS

Die 2 decembris
S. PETRI CHRYSOLOGI
EP., CONF.
ET ECCL. DOCT.

III classis

Missa In médio, ut in Missali
Romano die 4 decembris.

Die 4 decembris
S. BARBARÆ
VIRGINIS ET MARTYRIS

III classis

Missa Loquébar, de Communi
Virginum 1 loco.

Oratio

Deus, qui inter cétera potén-
tiæ tuæ mirácula étiam in
sexu frágili victóriam martyrii
contulisti: concéde propítius;
ut, qui beátæ Bárbaræ Virgi-
nis et Mártyris tuæ natalítia có-
limus, per eius ad te exémpla
gradiámur. Per Dóminum no-
strum Iesum Christum Fílium
tuum, qui tecum vivit.

Et fit commemoratio feriæ.

Secreta

C

Súscipe, Dómine, múnera,
quæ in beátæ Bárbaræ Vir-
ginis et Mártyris tuæ sollemni-
táte deférimus: cuius nos con-
fidimus patrocínio liberári. Per
Dóminum nostrum Iesum Chri-
stum Fílium tuum, qui tecum
vivit et regnat.

Et fit commemoratio feriæ.

Postcommunio

C

Auxiliéntur nobis, Dómine,
sumpta mystéria: et, inter-
cedénte beáta Bárbara Virgine
et Mártyre tua, sempitérna fá-
ciant protectióne gaudére. Per
Dóminum nostrum.

Et fit commemoratio feriæ.

Die 8 decembris
IN CONCEPTIONE
IMMACULATA B. M. V.
PATRONÆ DIOECESIS

I classis

Omnia ut in Proprio de Sanctis
hac die.

¹ Missæ propr. Diœc. Treviren.

Postcommunio

Deus, qui beátum Euchárium Pontíficem Sanctórum tuórum méritis coæquásti: concéde propítius; ut, qui commemoratiónis eius festa percólimus, virtútum quoque imitémur exémpa. Per Dóminum.

Et fit commemoratio feriæ.

In Missis votivis omnia ut supra; sed tempore paschali omittitur graduale, et eius loco dicitur:

Allelúia, allelúia. **V.** Iste est, qui ante Deum magnas virtútes operátus est, et omnis terra doctrína eius repléta est. Allelúia. **V.** Hic est sacérdos, quem coronávit Dóminus. Allelúia.

Die 10 decembris

S. PETRI FORERII CONF.

III classis

Missa Os iusti, de Communi Confessoris non Pontificis 1 loco, præter orationem sequentem:

Oratio

Deus, qui beáto Petro, ardentíssima caritáte tibi coniúcto, ut némini obésset et ómnibus prodésset, concédere dignátus es: præsta, quæsu-

mus; ut eiúsdem précibus et exémpis, quæ tibi placent, et nobis ac áliis vere prosunt, constánter operémur. Per Dóminum nostrum.

Et fit commemoratio feriæ.

Deinde commemoratio S. Melchiadis Papæ et Martyris:

Oratio

Gregem tuum, Pastor ætérne, placátus inténde: et per beátum Melchiadem Mártyrem tuum atque Summum Pontíficem perpétua protectiône custódi, quem totius Ecclésiæ præstitisti esse pastórem. Per Dóminum nostrum.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dóminum nostrum.

Et fit commemoratio feriæ.

Pro S. Melchiade

Secreta

Oblátis munéribus, quæsumus, Dómine, Ecclésiám tuam benignus illúmina: ut et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio

Refécti cibo potúque cælésti, Deus noster, te súpplices exorámus: ut, in cuius hæc commemoratióne percépimus, eius muniámur et précibus. Per Dóminum nostrum Iesum Christum Fílium tuum, qui tecum vivit et regnat.

Et fit commemoratio feriæ.

Pro S. Melchiade

Postcommunio

Refectiône sancta enutritam guberná, quæsumus, Dómine, tuam placátus Ecclésiám: ut, poténti moderatióne directa, et incrementa libertátis accípiat et in religiónis integritáte persistat. Per Dóminum nostrum.

Die 3 ianuarii

S. IRMINÆ

ABBATISSÆ, VIDUÆ

III classis

Missa Cognóvi, de Communi non Virginum 2 loco, præter sequentia:

Oratio

Omnípotens sempitérne Deus, misericórdiam tuam osténde supplicibus tuis: ut, qui de méritórum qualítate dif-

fidimus, intercedénte beáta Irmina, non iudícium, sed indulgéntiam sentiámus. Per Dóminum nostrum.

Léctio Epístolæ
beáti Pauli Apóstoli
ad Timótheum

1 Tim. 5, 3-10

Carissime: Víduas honóra, quæ vere víduæ sunt. Si qua autem vídua filios aut nepótes habet, discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est et desoláta, speret in Deum, et instet obsecratióibus et oratióibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur, non minus sexaginta annórum, quæ fúerit unius viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatiónem patientibus ministrávit, si omne opus bonum subsecúta est.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum nostrum Iesum Christum Fílium tuum, qui tecum vivit et regnat.

Præfatio de Nativitate Domini.

Postcommunio

C

Satiásti, Dómine, familiam tuam munéribus sacris: eius, quæsumus, semper intervencióne nos réfove, cuius sollémnia celebrámus. Per Dóminum nostrum.

Die 18 ianuarii

OMNIUM
SS. EPISCOPORUM
TREVIRENSIUM CONF.

III classis

Antiphona ad Introitum

Ps. 131, 16-17

SACERDOTES Sion induam salutári, et sancti eius exsultatióne exsultábunt, dicit Dóminus: illuc producám cornu David, parávi lucérnam Christo meo. **Ps. ibid., 1** Meménto, Dómine, David: et omnis mansuetúdinis eius. **V.** Glória Patri.

Oratio

Deus, qui Ecclésiám Trevirénsem beatórum Pontíficum confessiόνibus gloriósis circúmdas et prótegis: concede, quæsumus; ut, sicut illos pastorális sollicitúdo gloriósa reddidit, ita nos eórum intercessió in tuo semper faciát amore fervéntes. Per Dóminum nostrum.

Et fit commemoratio S. Priscæ Virg. et Mart.:

Oratio

Da, quæsumus, omnipotens Deus: ut, qui beatæ Priscæ Virginis et Mártiris tuæ natalítia cólimus; et ánnua sollemnitáte lætémur, et tantæ fidei proficiámus exémplo. Per Dóminum nostrum.

Léctio Epístolæ beáti Pauli
Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Iesus Christus heri et hódie: ipse et in sæcula. Doctrinis váriis et peregrinis nolíte abdúci. Optimum est enim grátia stabilire cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Iesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini eius. Beneficéntiæ autem et communiónis nolíte oblivísci: tálibus enim hóstiis promerétur Deus. Obcédite præpósitis vestris et subiacéte eis. Ipsi enim pervigilant, quasi ratióne pro animábus vestris redditúri.

Graduale Ps. 106, 22 et 32

Sacríficent Dómino sacrificium laudis: et annúntient ópera eius in exsultatióne. **V.** Et exáltent eum in ecclésia plebis: et in cáthedra seniórum laudent eum.

Allelúia, allelúia. **V. 2 Paral. 6, 41** Sacerdótes tui, Dómine

Deus, induántur salútem, et Sancti tui læténtur in bonis. Allelúia.

Post Septuagesimam, omissis Allelúia et versu sequenti, dicitur

Tractus Ps. 131, 8-10

Surge, Dómine, in réquiem tuam: tu et arca sanctificatiónis tuæ. **V.** Sacerdótes tui induántur iustítiam, et Sancti tui exsúltent. **V.** Propter David, servum tuum, non avértas faciém Christi tui.

+ Sequéntia sancti Evangélii
secúndum Marcum

Marc. 13, 33-37

In illo témpore: Dixit Iesus discipulis suis: Vidéte, vigiláte et oráte: nescítis enim, quando tempus sit. Sicut homo, qui péregre proféctus reliquit domum suam, et dedit servis suis potestátem cuiusque óperis, et ianitóri præcépit, ut vigilet. Vigiláte ergo (nescítis enim, quando dóminus domus véniat: sero, an média nocte, an galli cantu, an mane) ne, cum vénerit repénte, invéniat vos dormiéntes. Quod autem vobis dico, ómnibus dico: Vigiláte.

Antiphona ad Offertorium
Ps. 105, 3

Beāti, qui custódiunt iudicium,
et fáciunt iustítiam in omni
témpace.

Secreta

Hanc nostræ oblatiónis hó-
stiam, Deus, gratam ócu-
lis tuæ maiestátis efficiant bea-
tórur Pontificum Trevirén-
sium expetita suffrágia: qui
digne in hoc sáculo sacrificia
tibi ac preces in salútem pópuli
obtulérunt. Per Dóminum.

Pro S. Prisca **Secreta**

Hæc hóstia, quæsumus, Dó-
mine, quam Sanctórum tuó-
rum natalítia recenséntes of-
férimus, et víncula nostræ
pravitátis absólvat, et tuæ no-
bis misericórdiæ dona concí-
liet. Per Dóminum.

Antiphona ad Communionem
Marc. 13, 34

Homo péregre proféctus reli-
quit domum suam, et dedit ser-
vis suis potestátem cuiúsque
óperis, et ianitóri præcépit, ut
vigilet.

Postcommunio

Refectióne sacra enutritos,
fac nos, omnipotens Deus,
vestigiis beatórum Pontificum

Trevirénsium semper insistere:
qui studuerunt pépeti devo-
tíone te cólere, et indeféssa
ómnibus caritáte proficere.
Per Dóminum.

Pro S. Prisca Postcommunio

Quæsumus, Dómine, salutári-
bus repléti mystériis: ut, cu-
ius sollémnia celebrámus, eius
oratióibus adiuvémur. Per
Dóminum.

Die 19 ianuarii

S. AGRITII

EPISCOPI ET CONF.

III classis

Missa Státuit, de Comuni
Confessoris Pontificis 1 loco,
præter orationem sequentem:

Oratio **P**

Deus, qui nos beāti Agritii
Confessoris tui atque Pon-
tificis natalítia gloriósa cele-
bráre concédis: tribue, quæsu-
mus; eius nos semper et erudi-
tíone proficere, et intercessióne
gaudére. Per Dóminum.

Et fit commemoratio Ss. Ma-
rii, Marthæ, Audifacis et
Abachum Martyrum:

Oratio

Exáudi, Dómine, pópulum
tuum cum Sanctórum tuórum
patrocínio supplicántem: ut

et temporális vitæ nos tríbuas
pace gaudére; et ætérnæ re-
perire subsidiúm. (Per Dómi-
num nostrum.)

Deinde fit commemoratio S.
Canuti Regis, Martyris:

Oratio

Deus, qui ad illustrándam
Ecclésiám tuam beátum Ca-
nútum regem martýrii palma
et gloriósis miráculis deco-
ráre dignátus es: concéde
propítius; ut, sicut ipse Domí-
nicæ passiónis imitátor fuit,
ita nos, per eius vestigia gra-
diéntes, ad gáudia sempi-
térna pervenire mereámur.
Per eúndem Dóminum no-
strum.

Secreta **C**

Sancti tui, quæsumus, Dó-
mine, nos ubique lætíficent:
ut, dum eórum mérita recóli-
mus, patrocínia sentiámus.
Per Dóminum.

Pro Ss. Mario et Sociis

Secreta

Preces, Dómine, tuórum ré-
spice oblationésque fidélium:
ut et tibi gratæ sint pro tuó-
rum festivitáte Sanctórum, et
nobis cónferant tuæ propitia-
tiónis auxiliúm. (Per Dómi-
num nostrum.)

Pro S. Canuto **Secreta**

Accépta sit in conspéctu tuo,
Dómine, nostra devótio: et
eius nobis fiat supplicatióne
salutáris, pro cuius sollemni-
táte defértur. Per Dóminum
nostrum Iesum Christum Fi-
lium tuum, qui tecum vivit.

Postcommunio **C**

Præsta, quæsumus, omnípo-
tens Deus: ut, de percéptis
munéribus grátias exhibéntes,
intercedénte beáto Agritio
Confessore tuo atque Pontí-
fice, beneficia potióra sumá-
mus. Per Dóminum nostrum.

Pro Ss. Mario et Sociis

Postcommunio

Sanctórum tuórum, Dómine,
intercessióne placátus: præ-
sta, quæsumus; ut, quæ tem-
poráli celebrámus actióne,
perpétua salvatióne capiá-
mus. (Per Dóminum no-
strum.)

Pro S. Canuto

Postcommunio

Refécti participatióne mune-
ris sacri, quæsumus, Dómine,
Deus noster: ut, cuius exsé-
quimur cultum, intercedénte
beáto Canúto Mártire tuo,
sentiámus efféctum. Per Dó-
minum nostrum.

Die 3 februarii
S. VALERII
EPISCOPI ET CONF.

III classis

Antiphona ad Introitum
Eccli. 45, 30

STATUIT ei Dóminus testaméntum pacis: et principem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius.

¶ Glória Patri.

Oratio

Beáti Valérii Confessóris tui atque Pontificis, quæsumus, Dómine, fragilitátem nostram tuére præsídiis: ut, cuius venerándam festivitátem ánnua devotióne recólimus, eius méritis ab ómnibus adversitáibus liberémur. Per Dóminum.

Et fit commemoratio S. Blasii
Episcopi et Martyris:

Oratio

Deus, qui nos beáti Blásii Mártyris tui atque Pontificis ánnua sollemnitate lætificas: concéde propítius; ut, cuius natalítia cólimus, de eiúsdem étiam protectióne gaudeámus. Per Dóminum.

Léctio Epístolæ beáti Pauli
Apóstoli ad Hebræos

Hebr. 5, 1-4

Fratres: Omnis pón tifex ex homínibus assúptus, pro homínibus constitúitur in iis, quæ sunt ad Deum, ut ófferat dona et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Graduale Ps. 131, 16-17

Sacerdótes eius induam salutári: et sancti eius exsultatióne exsultábunt. ¶ Illuc producám cornu David: parávi lucérnam Christo meo.

Allelúia, allelúia. ¶ Ps. 109, 4 Iurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia, et versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis eius cupit ni-

mis. ¶ Potens in terra erit semen eius: generátio rectórum benedicétur. ¶ Glória, et divitiæ in domo eius: et iustítia eius manet in sáculum sáculi.

+ Sequéntia sancti Evangélii
secúndum Lucam

Luc. 10, 1-9

In illo témpore: Designávit Dóminus et álios septuaginta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sáculum, neque peram, neque calceaménta: et néminem per viam salutavéritis. In quamcúmque domum intravéritis, primum dicite: Pax huic dómni: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transire de domo in domum. Et in quamcúmque civitátem intravéritis, et suscep-

rint vos, manducáte, quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Antiphona ad Offertorium
Act. 20, 31-32

Nocte et die non cessávi cum lácrimis monens unumquémque vestrum; et nunc coméndo vos Deo et verbo grátia ipsius.

Secreta

Sacrificium tibi, Dómine, laudis offerimus, cum sancti Valérii Confessóris tui atque Pontificis veneránda commemoratióne: largire propítius; ut grátiam tuam, quam nostris opéribus non merémur, pia eius intercessióne consequámur. Per Dóminum.

Pro S. Blasio Secreta

Múnera tibi, Dómine, dicáta sanctífica: et, intercedénte beáto Blásio Mártyre tuo atque Pontífice, per eádem nos placátus inténde. Per Dóminum nostrum.

Antiphona ad Communionem
1 Thess. 2, 19

Quæ est nostra spes aut gáudium aut coróna glóriæ? nonne vos ante Dóminum?

Postcommunio

Quæsumus, Dómine, salutáribus repléti mystériis: ut beáti Valérii Confessoris tui atque Pontificis, oratióibus adiuvémur, cuius sollémnia celebrámus. Per Dóminum.

Pro S. Blasio Postcommunio

Hæc nos commúnio, Dómine, purget a crimine: et, intercedénte beáto Blásio Mártyre tuo atque Pontífice, cæléstis remédii fáciat esse consórtes. Per Dóminum.

Die 13 februarii
S. *CASTORIS
CONFESSORIS

III classis

Missa Os iusti, de **Communi**
Abbatum, præter sequentia:

Oratio

Sancti Cástoris Confessoris tui, quæsumus, Dómine, supplicatióne placátus: et véniam nobis tribue delictórum, et dignos óperum fructus nos ferre concède. Per Dóminum nostrum.

Secreta

Sancti Cástoris Confessoris tui, Dómine, intercèssio pietáti tuæ nos reddat accéptos: ut per hæc múnera, maie-

státi tuæ obláta, nobis grátia tuæ dona conferántur. Per Dóminum nostrum.

Postcommunio

Cæléstibus refécti sacraméntis, súpplices te rogámus, Dómine: ut beáti Cástoris Confessoris tui, cuius gloriámur méritis, protegámur suffrágiis. Per Dóminum.

Die 17 februarii

S. *BONOSI
EPISCOPI ET CONF.

III classis

Missa Sacerdotes tui, de **Communi**
Confessoris Pontificis 2
loco, præter orationem sequentem:

Oratio

Da, quæsumus, Dómine, pópulo tuo: ut, beáti Bonósi Confessoris tui atque Pontificis mérita præclára suscipiens, ad impetrándam misericórdiam tuam semper eius patrociniiis adiuvétur. Per Dóminum nostrum.

Secreta

Sancti Bonósi Confessoris tui atque Pontificis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placa-

Oratio

tiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Postcommunio

Deus, fidélium remunerátor animárum: præsta; ut beáti Bonósi Confessoris tui atque Pontificis, cuius venerándam celebrámus festivitátem, præcibus indulgéntiam consequámur. Per Dóminum.

Die 24 **vel** 25 februarii

S. MATTHIÆ APOSTOLI
PATRONI PRINCIPALIS
DIECESIS

Missa Mihi autem, **ut in Missali**
Romano hac die.

Die 25 **vel** 26 februarii

S. *WILLIGISI
EPISCOPI ET CONF.

III classis

Antiphona ad Introitum

Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri.

Deus, Sanctórum tuórum splendor et præmium, qui beátum Willigisum Confessorrem tuum atque Pontificem præcláris grátia donis mirabiliter sublimásti: eius nobis præcibus et méritis concède; ut, præsentis vitæ cursu feliciter consummáto, ætérnæ claritátis visióne pérfrui mereámur. Per Dóminum nostrum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuit Deo, et invéntus est iustus: et in tèm-pore iracúndiæ factus est reconciliátió. Non est invéntus similis illi, qui conservávit legem Excélsi. Ideo iureiurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória.

Fungi sacerdótió, et habére laudem in nómine ipsius, et offerre illi incénsus dignum in odórem suavitátis.

Graduale **Eccli. 44, 16**

Ecce sacérdos magnus, qui in diébus suis plácuít Deo. **V.** **Ibid., 20** Non est invéntus símilis illi, qui conserváret legem Excélsi.

Tractus **Ps. 111, 1-3**

Beátus vir, qui timet Dóminum: in mandátis eius cupit nimis. **V.** Potens in terra erit semen eius: generátio rectórum benedicétur. **V.** Glória et divitiæ in domo eius: et iustítia eius manet in sáeculum sáeculi.

+ Sequéntia sancti Evangélii secúndum Lucam

Luc. 11, 33-36

In illo témpore: Dixit Iesus discipulis suis: Nemo lucérnam accéndit, et in abscondito ponit, neque sub módio: sed supra candelábrum, ut, qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lúcidum erit: si autem nequam fúerit, étiam corpus tuum tenebrósum erit. Vide ergo, ne lumen, quod

in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Sancti tui, quásumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

Antiphona ad Communionem

Luc. 12, 42

Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

Præsta, quásumus, omnipotens Deus: ut, de percéptis munéribus grátias exhibéntes, intercedénte beáto Willigiso Confessóre tuo atque Pontífice, benefícia potióra sumámus. Per Dóminum nostrum.

Die 3 martii

**S. CUNIGUNDIS
IMPERATRICIS, VIDUÆ**

III classis

Missa Cognóvi, de Comuni non Virginum 2 loco, præter orationes sequentes:

Oratio **P**

Deus, qui beátæ Cunigúndi terréna despícere, et ad cæléstis impérii culmen anheláre tribuísti: concéde, quásumus; ut, eius imitatióne, calcátis mundi illécebris, ad gáudia ætérna pervenire valeámus. Per Dóminum nostrum.

Secreta **P**

Sacrificium laudis tibi, Dómine, offerimus, tuam cleméntiam implorántes: ut per huius sacraménti virtútem, intercedénte beáta Cunigúnde, nos a peccátis expédias, et a periculis tueáris. Per Dóminum.

Postcommunio **P**

Sacraméntum redemptionis humánæ, quod in honóre beátæ Cunigúndis obtúlimus, tibi, Dómine, nos reddat accéptos: et, post mortális vitæ cursum, sempitérnæ tuæ glóriæ fáciat esse partícipes. Per Dóminum nostrum.

Die 11 martii

S.* QUIRIACI CONF.

III classis

Missa Os iusti, de Comuni Confessoris non Pontificis 1 loco, præter orationem sequentem:

Oratio **P**

Plebem nómini tuo subiectam, Dómine, propítius intuére: et, intercedénte beáto Quiriacó Confessóre tuo, consolatiónes tuas iúgiter per cæléstem grátiam in eam dignánter operáre. Per Dóminum nostrum Iesum Christum Fílium tuum, qui tecum vivit et regnat.

Secreta **C**

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus et futúris. Per Dóminum nostrum Iesum Christum Fílium tuum, qui tecum vivit et regnat.

Postcommunio **C**

Refécti cibo potúque cælésti, Deus noster, te súpplices exorámus: ut, in cuius hæc commemoratióne percépimus, eius muniámur et précibus. Per Dóminum nostrum.

Die 15 martii

S. CLEMENTIS MARIE
HOFBAUER CONF.

III classis

Missa Iustus, de Communi
Confessoris non Pontificis 2 lo-
co, cum orationibus ut infra:

Oratio

P

Deus, qui beatum Clemén-
tem Mariam miro fidei ró-
bore et invictæ constantiæ vir-
tute decorasti: eius méritis et
exémplis fac nos, quæsumus,
ita fortes in fide et caritate fer-
ventes; ut præmia consequá-
mur æterna. Per Dóminum no-
strum Iesum Christum Fílium
tuum, qui tecum vivit.

Secreta

P

Ille nos, quæsumus, Dómine,
devotiõnis ignis accendat:
quo beatus Clemens Maria,
dum salutarem offerret hósti-
am, iúgiter flagrávit. Per Dó-
minum nostrum.

Postcommunio

P

Cælésti pane refectis concé-
de nobis, omnipotens
Deus: ut, beati Cleméntis ex-
émplo, in fortitudine cibi illius
usque ad montem, qui Christus
est, feliciter perveniámus: Qui
tecum vivit.

Die 17 martii

S. GERTRUDIS
NIVELLENSIS, VIRG.
COMMEMORATIO

Commemoratio

Missa Dilexisti, de Communi
Virginum 3 loco cum orationi-
bus ut infra:

Oratio

Omnipotens sempitérne De-
us, mundárum cogitatió-
num largitor et custos: adesto
piis Ecclésiæ tuæ précibus, et
præsta; ut, intercedente beata
Gertrúde Virgine tua, puritá-
tem mentis et córporis conse-
quámur. Per Dóminum.

Secreta

Hanc nostræ servitútis hó-
stiam, ut digne et salúbriter of-
ferámus, corda nostra, quæsu-
mus, Dómine, sanctæ Virginitis
Gertrúdis interventióne caritá-
tis tuæ flammis adúre. Per Dó-
minum nostrum.

Postcommunio

Præstent nobis, quæsumus,
Dómine, hæc sancta mystéria
caritátis subsidium et pacis:
ut, interveniente beata Virgine
tua Gertrúde, a peccátis abso-
lúti toto corde tibi mereámur
iúgiter adhærere. Per Dómi-
num nostrum.

Die 7 aprilis

S. HERMANNI IOSEPHI
CONFESSORIS

III classis

Antiphona ad Introitum

Ps. 36, 30-31

Osiusti meditábitur sapi-
éntiam, et lingua eius
loquétur iudicium: lex
Dei eius in corde ipsius, alle-
lúia, allelúia. **Ps. ibid., 1** Noli
æmulári in malignántibus: ne-
que zeláveris faciéntes iniqui-
tátem. **V. Glória Patri.**

Oratio

Deus, qui beatum Hermán-
num Ioséphum Confessó-
rem tuum in benedictiónibus
dulcedinis a pueritia præveni-
sti: præsta, quæsumus; ut in-
nocéntis et sanctæ vitæ eius
vestigiiis insistentés, ad cælé-
stem pátriam, in qua gloriósus
exsultat, secúri perveniámus.
Per Dóminum nostrum.

Lectio libri Sapiéntiæ

Eccli. 31, 8-11

Beatús vir, qui inventus est
sine mácula: et qui post au-
rum non ábiit, nec sperávit in
pecúnia et thesáuris. Quis est
hic, et laudábimus eum? fecit
enim mirabilia in vita sua. Qui

probátus est in illo, et perféc-
tus est, erit illi glória æterna:
qui pótuit tránsgridi, et non
est tránsgréssus: fácere mala,
et non fecit: ideo stabilita sunt
bona illius in Dómino, et ele-
mósynas illius enarrábit omnis
ecclésia sanctórum.

Allelúia, allelúia. **V. Iac. 1, 12**
Beátus vir, qui suffert tenta-
tiónem: quóniam, cum probá-
tus fúerit, accípiet corónam vi-
tæ. Allelúia. **V. Eccli. 45, 9**
Amávit eum Dóminus et orná-
vit eum: stolam glóriæ induit
eum. Allelúia.

+ Sequéntia sancti Evangélii
secúndum Matthæum

Matth. 11, 25-30

In illo témpore: Respóndens
Iesus, dixit: Confíteor tibi,
Pater, Dómine cæli et terræ,
quia abscondisti hæc a sapién-
tibus et prudéntibus, et reve-
lasti ea párvulis. Ita, Pater:
quóniam sic fuit plácitum ante
te. Omnia mihi trádicta sunt a
Patre meo. Et nemo novit Fí-
lium nisi Pater: neque Patrem
quis novit nisi Fílius, et cui
volúerit Fílius reveláre. Ve-
nite ad me omnes, qui laborátis
et oneráti estis, et ego reficiam
vos. Tóllite iugum meum super

vos, et discite a me, quia mitis sum et húmilis corde; et inveniétis réquiem animábus vestris. Iugum enim meum suáve est, et onus meum leve.

Antiphona ad Offertorium
Ps. 88, 25

Véritas mea et misericórdia mea cum ipso: et in nómine meo exaltábitur cornu eius, allelúia.

Secreta

Laudis tibi, Dómine, hóstias **L**immolámus in tuórum commemoratióne sanctórum: quibus nos et præséntibus éxui malis confidimus, et futúris. Per Dóminum nostrum.

Antiphona ad Communionem
Matth. 24, 46-47

Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum, allelúia.

Postcommunio

Refécti cibo potúque cælesti, Deus noster, te súplices exorámus: ut, in cuius hæc commemoratióne percépimus, eius muniámur et précibus. Per Dóminum nostrum.

Die 19 aprilis
S. LEONIS IX
PAPÆ ET CONFESSORIS

III classis

Missa Si diligis me, de **Communi Summorum Pontificum.**

Oratio C 1

Gregem tuum, Pastor ætérne, placátus inténde: et per beátum Leónem Summum Pontificem perpétua protectiône custódi, quem totius Ecclésiæ præstitisti esse pastórem. Per Dóminum.

Secreta C 1

Oblátis munéribus, quæsumus, Dómine, Ecclésiám tuam benignus illúmina: ut et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum nostrum.

Postcommunio C 1

Refectiône sancta enutritam **R**ubérna, quæsumus, Dómine, tuam placátus Ecclésiám: ut, poténti moderatióne dirécta, et increménta libertátis accípiat et in religiónis integritáte persistat. Per Dóminum nostrum Iesum Christum Fílium tuum, qui tecum vivit et regnat.

Die 23 aprilis
S. CONRADI A PARZHAM
CONFESSORIS

Duplex

Missa Os iusti, de **Communi Confessoris non Pontificis 1 loco, cum orationibus ut infra:**

Oratio P

Deus, qui misericórdiæ tuæ **D**iánuam fidélibus patére voluisti: te súplices exorámus; ut, intercedénte beáto Conrado Confessore tuo, temporália subsidia nobis tríbuas, et ætérna. Per Dóminum nostrum Iesum Christum Fílium tuum, qui tecum vivit.

Et fit commemoratio S. Georgii Martyris:

Oratio

Deus, qui nos beáti Geórgii **M**artyris tui méritis et intercessiône lætificas: concéde propítius; ut, qui tua per eum beneficia póscimus, dono tuæ grátiae consequámur. Per Dóminum nostrum Iesum Christum Fílium tuum, qui tecum vivit et regnat.

Secreta P

Oblatiónes nostras tibi, Dómine, quæsumus, beáti **C**onradi intercésio veneránda

comméndet: quem, coram tuis altáribus precántem, supernórum charismatum dulcédine recreásti. Per Dóminum nostrum Iesum Christum Fílium tuum, qui tecum vivit.

Pro S. Georgio
Secreta

Múnera, Dómine, obláta **M**unera, Dómine, obláta sanctífica: et, intercedénte beáto Geórgio Mártire tuo, nos per hæc a peccatórum nostrórum máculis emúnda. Per Dóminum nostrum.

Postcommunio P

Súmpsimus, Dómine, tuas sancta, beáti Conradi mérita recoléntes: præsta, quæsumus; ut eius semper et præcláro proficiámus exémplo, et fidéli muniámur auxilio. Per Dóminum nostrum Iesum Christum Fílium tuum, qui tecum vivit.

Pro S. Georgio
Postcommunio

Súplices te rogámus, omnipotens Deus: ut, quos tuis réficis sacraméntis, intercedénte beáto Geórgio Mártire tuo, tibi étiam plácitis móribus dignánter tríbuas deservire. Per Dóminum nostrum Iesum Christum Fílium tuum, qui tecum vivit et regnat.

Die 27 aprilis
S. PETRICANISII
CONF. ET ECCL. DOCT.

II classis

Antiphona ad Introitum
Eccli. 15, 5

IN médio Ecclésiæ apéruit os eius: et implévit eum Dóminus spíritu sapiéntiæ et intelléctus: stolam glóriæ induit eum, (allelúia, allelúia). **Ps. 91, 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut eius exémplis et mónitis errántes ad salútem respíscant, et fidéles in veritátis confessióne perseverént. Per Dóminum.

Léctio Epístolæ beáti Pauli
Apóstoli ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus et regnum eius: prædica verbum, insta opportúne, importúne:

árgue, óbsecra, increpa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem auditum avértent, ad fábulas autem converténtur. Tu vero vigila, in ómnibus labóra, opus fac Evangelístæ, ministérium tuum imple. Sóbrius esto. Ego enim iam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiæ, quam reddet mihi Dóminus in illa die, iustus iudex: non solum autem mihi, sed et iis, qui diligunt advéntum eius.

Allelúia, allelúia. **V. Ps. 118, 46** Loquébar de testimoniis tuis in conspéctu regum: et non confundébar. Allelúia. **V. 1 Cor. 9, 22** Omnia ómnibus factus sum, ut omnes fácerem salvos. Allelúia.

In Missis votivis extra tempus paschale omittuntur Allelúia ad antiphonas ad Introitum, Offertorium et Communionem, et post Epistolam dicitur

Graduale

Ps. 118, 129-130

Mirabilia testimónia tua, Dómine: ideo scrutáta est ea ánima mea. **V.** Declarátio sermonum tuórum illúminat: et intelléctum dat párvulis.

Allelúia, allelúia. **V. Ps. 108, 30** Confitébor Dómino nimis in ore meo: et in médio multórum laudábo eum. Allelúia.

Post Septuagesimam, omissis Allelúia et versu sequenti, dicitur

Tractus

Ps. 118, 104-105 et 158

A mandátis tuis intelléxi: proptérea odívi omnem viam iniquitátis. **V.** Lucérna pedibus meis verbum tuum, et lumen sémitis meis. **V.** Vidi prævaricántes, et tabescébam: quia elóquia tua non custodiérunt.

+ Sequéntia sancti Evangélii
secúndum Matthæum

Matth. 5, 13-19

In illo témpore: Dixit Iesus discípulis suis: Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non pot-

est civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolite putáre, quóniam veni sólvere legem aut prophétas: non veni sólvere, sed adimplére. Amen, quippe dico vobis, donec tránseat cælum et terra, iota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Antiphona ad Offertorium

Ps. 33, 12

Veníte, filii, audíte me: timórem Dómini docébo vos, (allelúia).

Secreta

Sanctifica, miséricors Deus, hæc múnera tibi obláta: et Ecclésiæ tuæ, beáto Petro intercedénte, unitátis et pacis propítius dona concéde. Per Dóminum nostrum.

Antiphona ad Communionem**Is. 12, 3**

Hauriétis aquas in gáudio de fóntribus Salvatóris, (allelúia).

Postcommunio

Sacrificium, Dómine, quod in honórem beáti Petri Confessoris tui atque Doctóris obtúlimus: fidem nostram, spem et caritátem áugeat, et Ecclésiám tuam nova semper prole lætificet. Per Dóminum.

Feria quarta
infra hebdomadam tertiam
post octavam
Paschæ

IN FESTO
SCRMÆ TUNICÆ
D. N. IESU CHRISTI

II classis**Antiphona ad Introitum****Ps. 21, 17-18 et 19**

FODERUNT manus meas et pedes meos, (allelúia): dinumeravérunt ómnia ossa mea, (allelúia): divisérunt sibi vestiménta mea, et super vestem meam miserunt sortem, (allelúia, allelúia). **Ps. ibid., 2** Deus, Deus meus, respice in me: quare me dereliquisti? longe a salúte mea verba delictórum meórum.

V. Glória Patri.**Oratio**

Deus, qui Túnica Salvatóris nostri inconsútilem non scindi nec dívidi voluisti: præsta; ut, qui in baptismo Christum induérunt, per fidei unitátem et caritátis societátem, omnes unum sint in eódem Christo Dómino nostro: Qui tecum vivit et regnat.

Léctio Isaiaë Prophétæ

Is. 62, 11; 63, 1-7

Hæc dicit Dóminus Deus: Dícite filiæ Sion: Ecce, Salvátor tuus venit: ecce, merces eius cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multítudine fortitúdinis suæ. Ego, qui loquor iustítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia indumenta mea inquinávi. Dies enim ultiónis in corde meo, annus redemptiónis meæ venit. Circumspéxi, et

Antiphona ad Offertorium**Matth. 14, 36**

Et rogábant eum, ut vel fimbriam vestiménti eius tángerent: et quicúmque tetigérunt, salvi facti sunt, (allelúia).

Secreta

Sacrificium, Dómine, quod tibi immolámus, placátus inténde: ut ab omni nos éruat bellórum nequítia, et per glóriosa Filii tui passiónis insígnia, ad conteréndas potestátis advérsæ insídias, nos in tuæ protectiónis securitáte constituat. Per eúndem Dóminum nostrum Iesum Christum Filium tuum, qui tecum vivit.

Præfatio de sancta Cruce.**Antiphona ad Communionem****Ps. 131, 9**

Sacerdótes tui induántur iustítiam: et sancti tui exsúltent, (allelúia).

Postcommunio

Omnípotens sempitérne Deus: da nobis ita Domicæ passiónis insígnia sacra recólere; ut peccatórum nostrórum indulgéntiam percipere mereámur. Per eúndem Dóminum nostrum Iesum Christum Filium tuum, qui tecum vivit et regnat.

non erat auxiliátor: quæsívi, et non fuit, qui adiuváret: et salvávit mihi bráccium meum, et indignátio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miseratiónum Dómini recordábor, laudem Dómini super ómnibus, quæ réddidit nobis Dóminus, Deus noster. Allelúia, allelúia. **V. Bar. 5, 1** Exue te, Ierúsalem, stola luctus et vexatiónis tuæ. Allelúia. **V.** Et indue te decóre et honóre eius, quæ a Deo tibi est, sempitérnæ glóriæ. Allelúia.

**+ Sequéntia sancti Evangélii
secúndum Ioánnem
Ioann. 19, 23-24**

In illo témpore: Milites, cum crucifixissent Iesum, acceperunt vestiménta eius (et fecerunt quátuor partes: unicuique militi partem), et túnica. Erat autem túnica inconsútilis, désuper contéxta per totum. Dixérunt ergo ad invicem: Non scindámus eam, sed sortiámur de illa, cuius sit. Ut Scriptúra implerétur, dicens: Partíti sunt vestiménta mea sibi: et in vestem meam miserunt sortem. Credo.

Pro votiva de Ss. Tunica dicitur Missa ut supra; sed extra tempus paschale in antiphonis ad Introitum, Offertorium et Communionem omititur Allelúia, ubicumque habetur, et post Epistolam dicitur

Graduale Ps. 68, 21-22

Impropérium exspectávit cor meum, et misériam: et sustinui, qui simul mecum contristarétur, et non fuit: consolántem me quæsívi, et non inveni. **V.** Dedérunt in escam meam fel, et in siti mea potavérunt me acéto.

Allelúia, allelúia. **V.** Baruch 5, 1 Exue te, Ierúsalem, stola luctus et vexatiónis tuæ: et indue te decóre et honóre eius, quæ a Deo tibi est æternæ glóriæ. Allelúia.

Post Septuagesimam, omis-
sis Allelúia et versu sequenti,
dicitur

Tractus Is. 53, 4-5

Vere languóres nostros ipse tulit, et dolóres nostros ipse portávit. **V.** Et nos putávimus eum quasi leprósum et percússum a Deo et humiliátum. **V.** Ipse autem vulnerátus est propter iniquitátes nostras, attrítus est propter

scélera nostra. **V.** Disciplina pacis nostræ super eum: et livóre eius sanáti sumus.

Die 3 maii
IN DEDICATIONE
ECCLESIAE
CATHEDRALIS

I classis

Missa Terríbilis, de Comuni
Dedicationis Ecclesiæ.

Die 6 maii
S. *BRITONII
EPISCOPI ET CONF.

III classis

Antiphona ad Introitum
Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum, allelúia, allelúia. **Ps.** 131, 1 Meménto, Dómine, David: et omnis mansuetúdinis eius.

V. Glória Patri.

Oratio

Largire, quæsumus, Dómine, precibus nostris efféctum: et, intercedente beáto Britónio Confessóre tuo atque Pontífice, hoc quod in nobis cœpísti per grátiam tuam, usque in

finem cleménter operáre. Per Dóminum nostrum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in tēpore iracúndiæ factus est reconciliátió. Non est invéntus similis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedicti-
nem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invenit grátiam coram óculis Dómini. Magnificávit eum in conspéctu regum: et dedit illi coronam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offérre illi incensum dignum in odórem suavitátis.

Allelúia, allelúia. **V.** **Ps.** 109, 4 Tu es sacerdos in ætérnum, secúndum órđinem Melchisedech. Allelúia. **V.** Hic est sacerdos, quem coronávit Dóminus. Allelúia.

+ Sequéntia sancti Evangélii
secúndum Lucam

Luc. 11, 33-36

In illo tēpore: Dixit Iesus discipulis suis: Nemo lucernam accéndit, et in abscóndito ponit, neque sub módio: sed supra candelábrum, ut, qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, tenebræ sint. Si ergo corpus tuum totum lícidum fúerit, non habens aliquam partem tenebrárum, erit lícidum totum, et sicut lucérna fulgóris illuminábit te.

Antiphona ad Offertorium
Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum, allelúia.

Secreta

Hæc múnera, Dómine, quæ maiestáti tuæ offerimus, per intercessi-
onem beáti Britónii Confessóris tui atque Pontíficis, ad perpétuam nobis fac provenire salútem. Per Dñm.

Antiphona ad Communionem
Luc. 12, 42

Fidélis servus et prudens, quem constituit dōminus super familiam suam: ut det illis in tēpore tritici mensūram, allelūia.

Postcommunio

Sacrificia, quæ sumpsimus, Dōmine, pro memōria sancti Pontificis tui Britōnii, sempiterna nos protectiōne consērent. Per Dōminum nostrum Iesum Christum Filium tuum, qui tecum vivit.

Die 12 maii
S. MODOALDI
EPISCOPI ET CONF.

III classis

Missa Stāuit, de Comuni Confessoris Pontificis 1 loco, præter orationem sequentem:

Oratio

Præsta, quæsumus, omnipotens Deus: ut beāti Mōdoaldi Confessoris tui atque Pontificis, cuius venerādam recōlimus sollemnitātem, nobis pia succūrrat oratio; quatenus eius vestigia sequi et fidem valeāmus imitari. Per Dōminum nostrum Iesum Christum Filium tuum, qui tecum vivit et regnat.

Et fit commemoratio Ss. Nerei, Achillei et Domitillæ Virginis atque Pancratii Mm.:

Oratio

Semper nos, Dōmine, Mātyrum tuorum Nérei, Achillei, Domitillæ atque Pancratii foveat, quæsumus, beāta sollemnitas: et tuo dignos reddat obsēquio. Per Dōminum.

Secreta

Sancti tui, quæsumus, Dōmine, nos ubique lætificent: ut, dum eorum mērita recōlimus, patrocīnia sentiāmus. Per Dōminum nostrum.

Pro Ss. Martyribus Secreta

Sanctorum Mātyrum tuorum, quæsumus, Dōmine, Nérei, Achillei, Domitillæ atque Pancratii sit tibi grata confēssio: quæ et mūnera nostra commēdet, et tuam nobis indulgētiā semper implōret. Per Dōminum.

Postcommunio

Præsta, quæsumus, omnipotens Deus: ut, de percēptis munēribus grātiās exhibēntes, intercedēte beāto Mōdoaldo Confessore tuo atque Pontifice, beneficia potiōra sumāmus. Per Dōminum nostrum.

Pro Ss. Martyribus

Postcommunio

Quæsumus, Dōmine: ut beatorum Mātyrum tuorum Nérei, Achillei, Domitillæ atque Pancratii deprecātiōnibus, sacramēta sancta, quæ sumpsimus, ad tuæ nobis proficiant placatiōnis augmentum. Per Dōminum.

Die 14 maii

S. *RUPERTI CONF.

III classis

Missa Os iusti, de Comuni Confessoris non Pontificis 1 loco.

Oratio

Deus, qui nos beāti Ruperti Confessoris tui ānnua sollemnitate lætificas: concēde propitius; ut, cuius natalitia cōlimus, etiā actiōnes imitemur. Per Dōminum nostrum.

Et fit commemoratio S. Bonifatii Mart.:

Oratio

Da, quæsumus, omnipotens Deus: ut, qui beāti Bonifātii Mātyris tui sollēmnia cōlimus, eius apud te intercessiōnibus adiuvēmur. Per Dōminum nostrum.

Secreta

Laudis tibi, Dōmine, hōstias immolāmus in tuorum commemoratiōne Sanctorum: quibus nos et præsēntibus exui malis confidimus et futūris. Per Dōminum nostrum Iesum Christum Filium tuum, qui tecum vivit et regnat.

Pro S. Bonifatio Secreta

Munēribus nostris, quæsumus, Dōmine, precibusque suscēptis: et cælestibus nos munda mystēriis, et clemēter exāudi. Per Dōminum.

Postcommunio

Refēcti cibo potūque cælesti, Deus noster, te sūpplices exorāmus: ut, in cuius hęc commemoratiōne percēpimus, eius muniāmur et precibus. Per Dōminum nostrum.

Pro S. Bonifatio

Postcommunio

Refēcti participatiōne muneris sacri, quæsumus, Dōmine, Deus noster: ut, cuius exsequimur cultum, intercedēte beāto Bonifātio Mātyre tuo, sentiāmus effectum. Per Dōminum nostrum Iesum Christum Filium tuum, qui tecum vivit et regnat.

Die 29 maii
S. MAXIMINI
EPISCOPI ET CONF.

III classis

Missa Státuit, de Communi
Confessoris Pontificis 1 loco,
cum orationibus ut infra:

Oratio

Deus, qui nos beáti Maxi-
mini Confessoris tui at-
que Pontificis sollemnitate læ-
tificas: adesto propítius Ecclé-
siæ tuæ précibus, et præsta;
ut, cuius gloriámur méritis,
eius intercessióne indulgén-
tiam et remissionem peccató-
rum cónsequi mereámur. Per
Dóminum nostrum.

Et fit commemoratio S. Ma-
riæ Magdalænæ de Pazzis
Virginis:

Oratio

Deus, virginitátis amátor,
qui beátam Mariam Magda-
lénam Virginem, tuo amóre
succénsam, cæléstibus donis
decorásti: da; ut, quam fe-
stíva celebritáte venerámur,
puritate et caritate imitémur.
Per Dóminum nostrum.

Secreta

Múnera tibi, Dómine, pro
sancti Maximini Confes-
soris tui atque Pontificis glo-

riosa commemoratióne deféri-
mus: obsecrantes; ut, qui no-
bis hunc diem sollémnem effé-
cit, tuæ quoque miseratiónis
continuum nobis obtineat au-
xilium. Per Dóminum.

Pro S. Maria Magdalena

Secreta

Accépta tibi sit, Dómine, sa-
cratæ plebis oblátio pro tuó-
rum honóre Sanctorum: quo-
rum se méritis de tribulatióne
percepisse cognóscit auxí-
lium. Per Dóminum.

Postcommunio

Divina mystéria, quæ in sol-
lemnitate sancti Maxi-
mini Confessoris tui atque
Pontificis tuæ obtúlimus maie-
státi: quæsumus, Dómine; ut
et véniam nobis tribuant pec-
catorum, et cæléstis grátiae do-
nis reficiant. Per Dóminum.

Pro S. Maria Magdalena

Postcommunio

Satiásti, Dómine, familiam
tuam munéribus sacris: eius,
quæsumus, semper interven-
tióne nos réfove, cuius sol-
lémnia celebrámus. Per Dó-
minum nostrum Iesum Chri-
stum Filium tuum, qui tecum
vivit et regnat.

Die 1 iunii
S. SIMEONIS CONF.

III classis

Antiphona ad Introitum
Ps. 36, 30-31

OS iusti meditábitur sa-
piéntiam, et lingua eius
loquétur iudicium: lex
Dei eius in corde ipsius. (T. p.
Allelúia, allelúia.) Ps. *ibid.*, 1
Noli æmulári in malignántibus:
neque zeláveris faciéntes ini-
quitátem. V. Glória Patri.

Oratio

Sancti Simeónis Confessoris
tui, Dómine, tribue nos as-
sídua protectióne fovéri: ut,
cuius festivitátem ánnua devo-
tióne recólimus, eius apud tu-
am misericórdiam intercessió-
ne commendémur, et méritis.
Per Dóminum nostrum.

Et fit commemoratio S. Ange-
læ Mericiæ Virg.:

Oratio

Deus, qui novum per beátam
Angelam sacrárum Virginum
collégium in Ecclésia tua flo-
réscece voluísti: da nobis,
eius intercessióne, angélicis
móribus vívere; ut, terrénis
ómnibus abdicátis, gáudiis
pérfrui mereámur ætérnis.
Per Dóminum nostrum.

Léctio libri Sapiéntiæ
Eccli. 31, 8-11

Beátus vir, qui invéntus est
sine mácula, et qui post au-
rum non ábiit, nec sperávit in
pecúnia et thesáuris. Quis est
hic, et laudábimus eum? fecit
enim mirabilia in vita sua. Qui
probátus est in illo, et perféc-
tus est, erit illi glória æténa:
qui pótuit tránsgridi, et non
est tránsgréssus: fácere mala,
et non fecit: ideo stabilita sunt
bona illius in Dómino, et ele-
mósynas illius enarrábit omnis
ecclésia sanctorum.

Graduale Ps. 91, 13 et 14

Iustus ut palma florébit: sicut
cedrus Líbani multiplicábitur
in domo Dómini. V. *Ibid.*, 3
Ad
annuntiándum mane miseri-
córdiam tuam, et veritátem tu-
am per noctem.

Allelúia, allelúia. V. *Iac.* 1, 12
Beátus vir, qui suffert tentatió-
nem: quóniam, cum probátus
fúerit, accipiet corónam vitæ.
Allelúia.

Tempore paschali omittitur
graduale, et eius loco dicitur:

Allelúia, allelúia. V. *Iac.* 1, 12
Beátus vir, qui suffert tenta-
tióne: quóniam, cum probá-
tus fúerit, accipiet corónam vi-
tæ. Allelúia. V. *Eccli.* 45, 9

Amávit eum Dóminus et ornávit eum: stolam glóriæ induit eum. Allelúia.

+ Sequéntia sancti Evangélii secúndum Matthæum

Matth. 19, 27-29

In illo témpore: Dixit Petrus ad Iesum: Ecce, nos reliquimus ómnia, et secúti sumus te: quid ergo erit nobis? Iesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Antiphona ad Offertorium
Ps. 88, 25

Véritas mea et misericórdia mea cum ipso: et in nómine meo exaltábitur cornu eius. (T. p. Allelúia.)

Secreta

Sancti Confessoris tui Simeónis, quæsumus, Dómine, commemorátió pietáti tuæ nos

reddat accéptos: ut, per hæc múnera tuæ maiestáti obláta, nobis grátia tuæ dona conciliéntur. Per Dóminum.

Pro S. Angela **Secreta**

Hóstia, Dómine, quam tibi beátæ Angelæ memóriam recoléntes offérimus, et nostræ pravitátis véniam implóret et grátia tuæ nobis dona conciliet. Per Dóminum.

Antiphona ad Communionem
Matth. 24, 46-47

Beátus servus, quem, cum vénerit dóminus, invénerit vigílantem: amen, dico vobis, super ómnia bona sua constituet eum. (T. p. Allelúia.)

Postcommunio

Cæléstibus refécti sacraméntis: súpplíces te, Dómine, deprecámur; ut beáti Confessoris Simeónis, cuius gloriámur méritis, protegámur auxiliis. Per Dóminum.

Pro S. Angela
Postcommunio

Cælésti alimónia refécti, súpplíces te, Dómine, deprecámur: ut, beátæ Angelæ précibus et exémplo ab omni labe mundáti, et córpore tibi placeámus et mente. Per Dóminum nostrum.

Die 5 iunii
S. BONIFATII
EPISCOPI ET MARTYRIS

II classis

Missa Exsultábo, **ut in Proprio de Sanctis, eadem die.**

Die 29 iunii
S. PETRI
TITULARIS ECCL.
CATHEDRALIS ET CIVI-
TATIS TREVERENSIS
PATRONI AC S. PAULI
APP.

I classis

In hoc festo omnia habentur ut in Proprio de Sanctis hac die.

Die 4 iulii
S. UDALRICI
EPISCOPI ET CONF.

III classis

Missa Státuit, **de Comuni Confessoris Pontificis 1 loco, præter orationem sequentem:**

Oratio

Deus, qui cónspicis, quia ex nulla nostra virtúte subsistimus: concéde propítius; ut, intercessióne beáti Udalrici Confessoris tui atque Pontificis, contra ómnia advérsa muniámur. Per Dóminum.

Secreta

C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum nostrum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Udalrico Confessore tuo atque Pontifice, benefícia potióra sumámus. Per Dóminum nostrum Iesum Christum Fílium tuum, qui tecum vivit et regnat.

Die 6 iulii
S. GOARIS CONFESSORIS
III classis

Missa Iustus ut palma, **de Comuni Confessoris non Pontificis 2 loco, cum orationibus ut infra:**

Oratio

P

Deus, qui Ecclésiám tuam beáti Goáris Confessoris tui præcláris méritis decorásti: concéde nobis fámulis tuis; ut et eius in mélius reformémur exémplo, et ab ómnibus eius patrocínio liberémur advérsis. Per Dóminum nostrum Iesum Christum Fílium tuum, qui tecum vivit et regnat.

Secreta

P

Hóstias tibi, Dómine, pro sancti Goáris Confessóris tui commemoratióne offérimus: humiliter deprecántes; ut et indulgéntiam nobis cónferant, et salútem. Per Dóminum nostrum.

Postcommunio

P

Sancto Goáre Confessóre tuo interveniénte, Dómine, sérvitus nostra tibi compláceat: et obséquia múnerum fiant præsídia devotórum. Per Dóminum nostrum Iesum Christum Fílium tuum, qui tecum vivit et regnat.

Die 9 iulii

S. *DISIBODI
EPISCOPI ET CONF.

Commemoratio

Missa Sacerdótes tui, de Comuni Confessoris Pontificis 2 loco.

Oratio

C

Exáudi, quæsumus, Dómine, preces nostras, quas in beáti Disibódi Confessóris tui atque Pontíficis sollemnitate deférimus: et, qui tibi digne mérui famulári, eius intercedéntibus méritis, ab ómnibus nos absólve peccátis. Per Dóminum nostrum.

Secreta

C

Sancti Disibódi Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat acéptos: ut, per hæc piæ placatiónis officia, et illum beáta retribútió comitétur, et nobis grátia tuæ dona concíliet. Per Dóminum nostrum.

Postcommunio

C

Deus, fidélium remunerátor animárum: præsta; ut beáti Disibódi Confessóris tui atque Pontíficis, cuius venerándam celebrámus festivitátem, precibus indulgéntiam consequámur. Per Dóminum nostrum Iesum Christum Fílium tuum, qui tecum vivit.

Die 27 iulii

S. MAGNERICI
EPISCOPI ET CONF.

III classis

Antiphona ad Introitum

Eccli. 45, 30

STATUIT ei Dóminus testaméntum pacis, et príncipem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri.

Oratio

Deus, qui beátum Magnericum Confessórem tuum atque Pontíficem sacris decorásti virtútibus: largire propítius; ut, cuius memóriam recólimus, eius precibus et méritis, cælestia mereámur gáudia percípere. Per Dóminum.

Et fit com. S. Pantaleonis Mart.:

Oratio

Præsta, quæsumus, omnípotens Deus: ut, intercedente beáto Pantaleóne Mártyre tuo, et a cunctis adversitátibus liberémur in córpore, et a pravis cogitatióibus mundémur in mente. Per Dóminum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in tēpore iracúndiæ factus est reconciliátió. Non est invéntus similis illi, qui conservávit legem Excélsi. Ideo iureiurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictióibus suis: con-

servávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offerre illi incensum dignum in odórem suavitátis.

Graduale

Eccli. 44, 16

Ecce sacerdos magnus, qui in diébus suis plácuít Deo. **V.** **Ibid., 20** Non est invéntus similis illi, qui conserváret legem Excélsi.

Allelúia, allelúia. **V.** **Ps. 109, 4** Tu es sacerdos in ætérnum, secúndum órđinem Melchisedech. Allelúia.

+ Sequéntia sancti Evangélii secúndum Marcum

Marc. 13, 33-37

In illo tēpore: Dixit Iesus discipulis suis: Vidéte, vigilate et oráte: nescitis enim, quando tempus sit. Sicut homo, qui pégre proféctus reliquit domum suam, et dedit servis suis potestátem cuiúsque óperis, et ianitóri præcépit, ut

vigilet. Vigilate ergo (nescitis enim, quando dominus domus veniat: sero, an media nocte, an galli cantu, an mane) ne, cum venerit repente, inveniat vos dormientes. Quod autem vobis dico, omnibus dico: Vigilate.

Antiphona ad Offertorium
Ps. 88, 21-22

Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta

Respice, Domine, propitius super haec munera: ut propitiationem, quam nostris operibus non meremur, beati Magnerici Confessoris tui atque Pontificis pia intercessione consequamur. Per Dominum.

Pro S. Pantaleone Secreta

Accépta sit in conspectu tuo, Domine, nostra devotio: et eius nobis fiat supplicatione salutaris, pro cuius sollemnitate defertur. Per Dominum.

Antiphona ad Communionem
Luc. 12, 42

Fidelis servus et prudens, quem constituit dominus super

familiam suam: ut det illis in tempore tritici mensuram.

Postcommunio

Tua sancta sumentes, quaesumus, Domine: ut beati Magnerici Confessoris tui atque Pontificis nos foveant continuata praesidia. Per Dñm.

Pro S. Pantaleone
Postcommunio

Refecti participatione muneris sacri, quaesumus, Domine, Deus noster: ut, cuius exsequimur cultum, intercedente beato Pantaleone Martyre tuo, sentiamus effectum. Per Dominum nostrum.

Die 1 augusti

SS.* BEATI ET* BANTI
CONFESSORUM

III classis

Antiphona ad Introitum
Ps. 144, 10-11

CONFITEANTUR tibi, Domine, omnia opera tua, et Sancti tui benedicant tibi: gloriam regni tui dicent, et potentiam tuam loquentur. **Ps. ibid., 1** Exaltabo te, Deus meus, Rex: et benedicam nomini tuo in saeculum, et in saeculum saeculi.

V. Glória Patri.

Oratio

Adesto, Domine, supplicatio-nibus nostris: ut, qui ex iniquitate nostra reos nos esse cognoscimus, beatorum Confessorum tuorum Beati et Banti meritis et intercessione, a cunctis reatibus et periculis liberemur. Per Dominum.

Et fit commemoratio Ss. Machabæorum Mm.:

Fraterna nos, Domine, Martyrum tuorum corona laetificet: quæ et fidei nostræ præbeat incrementa virtutum; et multiplici nos suffragio consolatur. Per Dominum.

Lectio libri Sapientiae

Eccli. 2, 7-13

Metuentes Dominum, sustinete misericordiam eius: et non deflectatis ab illo, ne cadatis. Qui timetis Dominum, credite illi: et non evacuabitur merces vestra. Qui timetis Dominum, sperate in illum: et in oblectationem veniet vobis misericordia. Qui timetis Dominum, diligite illum: et illuminabuntur corda vestra. Respici-te, filii, nationes hominum: et scitote, quia nullus speravit in Domino, et confusus est. Quis enim permansit in mandatis

eius, et derelictus est? aut quis invocavit eum, et despexit illum? Quoniam pius et misericors est Deus, et remittet in die tribulationis peccata: et protector est omnibus exquirentibus se in veritate.

Graduale Ps. 30, 24-25

Diligite Dominum, omnes Sancti eius, quoniam veritatem requirit Dominus, et retribuet abundanter facientibus superbiam. **V.** Viriliter agite, et confortetur cor vestrum, omnes qui speratis in Domino.

Allelúia, allelúia. **V. Ps. 9, 11** Sperent in te, qui novérunt nomen tuum: quoniam non dereliquisti quaerentes te, Domine. Allelúia.

+ Sequentia sancti Evangelii
secundum Lucam

Luc. 12, 35-40

In illo tempore: Dixit Iesus discipulis suis: Sint lumbi vestri praecincti, et lucernæ ardentes in manibus vestris, et vos similes hominibus expectantibus dominum suum, quando revertatur a nuptiis: ut, cum venerit et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen, dico

vobis, quod præcinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam, si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati, quia, qua hora non putatis, Filius hominis veniet.

Antiphona ad Offertorium
Ps. 67, 4

Iusti epulentur et exultent in conspectu Dei, et delectentur in lætitia.

Secreta

Hóstias ad altare tuum offerentibus, Domine, da nobis illum pietatis affectum, quem beatis Beato et Banto Confessoribus tuis infudisti: ut pura mente ac fervido corde rei sacræ attendamus, et sacrificium tibi placitum nobisque proficuum immolamus. Per Dominum nostrum.

Pro Ss. Machabæis Secreta
Mysteria tua, Domine, pro sanctorum Martyrum tuorum honore, devota mente tractemus: quibus et præsidium no-

bis crescat et gaudium. Per Dominum nostrum.

Antiphona ad Communionem
Luc. 12, 37

Beati servi illi, quos, cum venerit Dominus, invenerit vigilantes: amen, dico vobis, quod præcinget se, et faciet illos discumbere, et transiens ministrabit illis.

Postcommunio

Tribuat nobis, omnipotens Deus, suffragantibus beatorum Beati et Banti Confessorum tuorum precibus, refectio sacra subsidium: ut et castitatis munditiam observemus in corpore, et lumen veritatis exhibeamus in opere. Per Dominum nostrum.

Pro Ss. Machabæis
Postcommunio

Præsta, quæsumus, omnipotens Deus: ut, quorum memoriam sacramenti participatione recolimus, fidem quoque proficiendo sectemur. Per Dominum nostrum.

In Missis votivis omnia ut supra; sed post Septuagesimam, omissis Alleluia et versu sequenti, dicitur

Die 13 augusti
S. *GERTRUDIS
VIRGINIS
ALTENBURGENSIS

III classis

Missa Dilexisti, de Comuni Virginum 3 loco, præter orationem sequentem:

Oratio P

Deus, virginitatis amator, qui beatam Gertrudem Virginem, tuo amore succensam, cælestibus donis decorasti: da, ut quam festiva celebritate veneramur, puritate et caritate imitemur. Per Dominum nostrum.

Et fit commemoratio Ss. Hippolyti et Cassiani Martyrum:

Oratio

Da, quæsumus, omnipotens Deus: ut beatorum Martyrum tuorum Hippolyti et Cassiani veneranda sollempnitas, et devotionem nobis augeat et salutem. Per Dominum.

Secreta C

Accèpta tibi sit, Domine, sacramentæ plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Tractus Ps. 33, 9-11

Gustate et videte, quoniam suavis est Dominus: beatus vir, qui sperat in eo. **V.** Time Domine, omnes Sancti eius: quoniam non est inopia timentibus eum. **V.** Divites eguerunt et esurierunt: inquirentes autem Dominum non minuentur omni bono.

Tempore autem paschali omittitur graduale, et eius loco dicitur:

Alleluia, alleluia. **V. Ps. 9, 11**
Sperent in te, qui novērunt nomen tuum: quoniam non dereliquisti quærentes te, Domine. Alleluia. **V. Ps. 139, 14**
Iusti confitebuntur nomini tuo, Domine: et habitabunt recti cum vultu tuo. Alleluia.

Si dicenda sit Missa votiva de S. Beato, seorsim a S. Banto, dicitur Missa Os iusti, de Comuni Confessoris non Pontificis 1 loco.

Item pro votiva de S. Banto sumitur Missa Iustus ut palma, de eodem Comuni Confessoris non Pontificis 2 loco, adhibita tamen in singulari oratione ex Missa Confiteantur, ut supra.

Pro Ss. Martyribus Secreta
Rêspice, Dómine, múnera pó-
puli tui, Sanctórum festivitáte
votiva: et tuæ testificátio ve-
ritátis nobis proficiat ad sa-
lútem. Per Dóminum.

Postcommunio

Satiásti, Dómine, familiam
tuam munéribus sacris:
eius, quæsumus, semper inter-
ventiône nos réfove, cuius sol-
lémnia celebrámus. Per Dómi-
num nostrum.

Pro Ss. Martyribus

Postcommunio

Sacramentórum tuórum, Dó-
mine, commúnio sumpta nos
salvet: et in tuæ veritátis luce
confirmet. Per Dóminum.

Die 18 augusti

S. HELENÆ
IMPERATRICIS,
VIDUÆ

II classis

Antiphona ad Introitum

Gal. 6, 14

MIHI autem absit glo-
riári, nisi in Cruce
Dómini nostri Iesu
Christi: per quem mihi mundus
crucifixus est, et ego mundo.
Ps. 47, 2 Magnus Dóminus, et

laudábilis nimis: in civitáte Dei
nostri, in monte sancto eius.
V. Glória Patri.

Oratio

Deus, qui beátam Hélenam
in præclára salutiferæ Cru-
cis inventiône miráblem ef-
fecisti: concéde propítius; ut,
eius intercessiône, vitális ligni
prétium salutárem in nobis iú-
giter operétur efféctum. Per
Dóminum nostrum.

**Et fit commemoratio S. Aga-
piti Martyris:**

Oratio

Lætétur Ecclésia tua, Deus,
beáti Agapiti Mártyris tui
confisa suffrágiis: atque, eius
précibus gloriósis, et devóta
permáneat et secúra con-
sístat. Per Dóminum.

Léctio libri Sapiéntiæ

Prov. 31, 10-31

Mulierem fortem quis invé-
niet? Procul et de últi-
mis finibus prétium eius. Con-
fídit in ea cor viri sui, et spóliis
non indigébit. Reddet ei bo-
num, et non malum, ómnibus
diébus vitæ suæ. Quæsivit la-
nam et linum, et operáta est
consílio mánuum suárum.
Facta est quasi navis institó-
ris, de longe portans panem

suum. Et de nocte surréxit, de-
dítque prædam domésticis suis,
et cibária ancillis suis. Consi-
derávit agrum, et emit eum: de
fructu mánuum suárum plan-
távit vineam. Accínxit fortitú-
dine lumbos suos, et roborávit
brácchium suum. Gustávit, et
vidit, quia bona est negotiátio
eius: non exstinguétur in nocte
lucérna eius. Manum suam mi-
sit ad fórtia et dígití eius ap-
prehendérunt fusum. Manum
suam apéruit inopi, et palmas
suas exténdit ad páuperem.
Non timébit dómui suæ a fri-
góribus nivis: omnes enim do-
méstici eius vestíti sunt duplí-
cibus. Stragulátam vestem fe-
cit sibi: byssus et púrpura in-
dumentum eius. Nóbilis in
portis vir eius, quando séderit
cum senatóribus terræ. Sin-
donem fecit et véndidit, et cin-
gulum trádidit Chananæo. For-
titúdo et decor indumentum
eius, et ridébit in die novís-
simo. Os suum apéruit sapién-
tiæ, et lex cleméntiæ in lingua
eius. Considerávit sémitas do-
mus suæ, et panem otíosa non
comédit. Surrexérunt filii eius,
et beatíssimam prædicavé-
runt: vir eius, et laudávit eam.
Multæ filiæ congregavérunt di-
vítias, tu supergréssa es uni-

vérsas. Fallax grátia, et vana
est pulchritúdo: múlier timens
Dóminum, ipsa laudábitur.
Date ei de fructu mánuum suá-
rum, et laudent eam in portis
ópera eius.

Graduale Ps. 44, 3 et 5

Diffúsa est grátia in lábiis tuis:
proptérea benedíxit te Deus
in ætérnum. **V.** Propter veritá-
tem et mansuetúdinem et iustí-
tiam: et dedúcet te mirábiliter
déterta tua.

Allelúia, allelúia. **V.** Virga
regni flóruit, virgam Crucis re-
gina prótulit: superbórum cá-
pita conquassáta súbdidit
iugo Christi. Allelúia.

**+ Sequéntia sancti Evangélii
secúndum Matthæum**

Matth. 13, 44-52

In illo témpore: Dixit Iesus
discípulis suis parábolam
hanc: Símile est regnum cæló-
rum thesáuro abscóndito in
agro: quem qui invénit homo,
abscóndit, et præ gáudio illius
vadit, et vendit univérta, quæ
habet, et emit agrum illum.
Iterum símile est regnum cæ-
lórum hómini negotiátóri,
quærénti bonas margarítas.
Invénta autem una pretiósa
margaríta, ábiit, et véndidit

omnia, quæ hábuit, et emit eam. Iterum simile est regnum cælórum sagénæ, missæ in mare et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exibunt Angeli, et separábunt malos de médio iustórum, et mittent eos in caminum ignis: ibi erit fletus et stridor déntium. Intellexistis hæc ómnia? Dicunt ei: Etiam. Ait illis: Ideo omnis scriba doctus in regno cælórum similis est hómini patrifámiliæ, qui profert de thesauro suo nova et vétera.

Antiphona ad Offertorium
Ps. 117, 16 et 17

Déxtera Dómini fecit virtútem, déxtera Dómini exaltávit me: non móriar, sed vivam et narrábo ópera Dómini.

Secreta

Sacris altáribus tuis impósita múnera, quæsumus, Dómine, fiant nobis, eius intercessióne, salutária: quæ lignum sanctæ Crucis, primam huius oblatiónis aram, mérui invenire. Per Dóminum.

Pro S. Agapito **Secreta**
Súscipe, Dómine, múnera, quæ in eius tibi sollemnitate deférimus: cuius nos confidimus patrocínio liberári. Per Dóminum nostrum.

Antiphona ad Communionem
Matth. 13, 45-46

Símile est regnum cælórum hómini negotiátóri, quærénti bonas margaritas: invénta autem una pretiósa margarita, dedit ómnia sua, et comparávit eam.

Postcommunio

Pretiósi Córporis et Sanguinis tui, Dómine, pro nobis in ara Crucis obláti, mystéria sancta suméntes: quæsumus; ut, beátæ Hélenæ précibus, nobis ad salutem provéniant, cuius in eiusdem sanctæ Crucis inventióne recólimus triúmphum: Qui vivis.

Pro S. Agapito
Postcommunio

Satiásti, Dómine, familiam tuam munéribus sacris: eius, quæsumus, semper interventióne nos réfove, cuius sollemnia celebrámus. Per Dóminum nostrum Iesum Christum Fílium tuum, qui tecum vivit et regnat.

In Missis votivis omnia ut supra; sed post Septuagesimam, omissis Allelúia et versu sequenti, dicitur tractus Veni, Sponsa Christi, ex Missa Cognóvi, de Communioni non Virginum 2 loco.

Tempore autem paschali omittitur graduale, et eius loco dicitur:

Allelúia, allelúia. **V.** Virga regni flóruit, virgam Crucis regina prótulit: superbórum cápita conquassáta súbdidit iugo Christi. Allelúia. **V. Ps. 44, 5** Spécie tua et pulchritudine tua inténde, prospere procéde et regna. Allelúia.

Die 25 augusti
S. GREGORII
EP. ULTRAIECTENSIS
ET CONFESSORIS

Commemoratio

Missa Sacerdótes tui, **de Communi Confessoris Pontificis 2 loco, præter orationem sequentem:**

Oratio

Deus, qui Ecclésiám tuam Sanctórum illúminas méritis et doctrinis: fac nos, intercedente beáto Gregório Confessore tuo atque Pontifice, fidei lúmine instrúctos, et de-

vótam tibi gérere voluntátem; et maiestáti tuæ sincéro corde servíre. Per Dóminum.

Secreta

C Sancti Gregórii Confessoris tui atque Pontificis, quæsumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Postcommunio

C Deus, fidélium remunerátor animárum: præsta; ut beáti Gregórii Confessoris tui atque Pontificis, cuius venerándam celebrámus festivitátem, précibus indulgéntiam consequámur. Per Dóminum nostrum.

Die 31 augusti
S. PAULINI
EPISCOPI ET MARTYRIS

III classis

Antiphona ad Introitum
Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdótii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **V.** Glória Patri.

Oratio

Omnipotens sempitérne Deus, qui beátum Paulinum Mártýrem tuum atque Pontíficem ætérnæ beatitúdinis glória sublimásti: concéde propítius; ut, cuius mérita venerámur in terris, intercessiónis eius auxilió, apud tuam misericórdiam muniámur in cælis. Per Dóminum nostrum.

Et fit commemoratio S. Raymundi Nonnati Confessoris:

Oratio

Deus, qui in liberándis fidélibus tuis ab impiórum captivitate beátum Raymúndum Confessórem tuum miráblem effecísti: eius nobis intercessióne concéde; ut, a peccatórum vinculis absolúti quæ tibi sunt plácita, liberis méntibus exsequámur. Per Dóminum nostrum.

Léctio Epistolæ beáti Pauli Apóstoli ad Timótheum
2 Tim. 2, 8-10; 3, 10-12

Carissime: Memor esto, Dóminum Iesum Christum resurrexisse a mórtuis ex sémine David, secúndum Evangélium meum, in quo labóro usque ad vincula, quasi male óperans: sed verbum Dei non

est alligátum. Ideo ómnia sustineo propter eléctos, ut et ipsi salútem consequántur, quæ est in Christo Iesu, cum glória cælesti. Tu autem assecútus es meam doctrinam, institutióne, propósitum, fidem, longanimitátem, dilectióne, paciéntiam, persecutiónes, passiónes: quália mihi facta sunt Antiochiæ, Icónii et Lystris: quales persecutiónes sustinui, et ex ómnibus eripuit me Dóminus. Et omnes, qui pie volunt vivere in Christo Iesu, persecutióne patiéntur.

Graduale Ps. 88, 21-23

Invéni David servum meum, oleo sancto meo unxi eum: manus enim mea auxiliábitur ei, et bráchium meum confortábit eum. **V.** Nihil proficiet inimicus in eo, et filius iniquitátis non nocébit ei.

Allelúia, allelúia. **V. Ps. 109, 4** Tu es sacérdos in ætérnum, secúndum órđinem Melchisedech. Allelúia.

+ Sequéntia sancti Evangélii secúndum Matthæum

Matth. 10, 23-28

In illo témpore: Dixit Iesus discipulis suis: Cum persecúentur vos in civitáte ista, fú-

Pro S. Raymundo
Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus et futúris. Per Dóminum.

**Antiphona ad Communionem
Matth. 10, 27**

Quod dico vobis in ténebris, dicite in lúmine, dicit Dóminus: et quod in aure auditis, prædicáte super tecta.

Postcommunio

Sacraméntis, Dómine, et gáudiis optátæ sollemnitétis explétis: quæsumus; ut eius præcibus adiuvémur, cuius recordatióne exhibéntur. Per Dóminum nostrum Iesum Christum Fílium tuum, qui tecum vivit et regnat.

Pro S. Raymundo
Postcommunio

Refécti cibo potúque cælesti, Deus noster, te súpplices exorámus: ut, in cuius hæc commemoratióne percépi-mus, eius muniámur et præcibus. Per Dóminum nostrum Iesum Christum Fílium tuum, qui tecum vivit et regnat.

gite in áliam. Amen, dico vobis, non consummábitis civitátes Israel, donec véniat Fílius hóminis. Non est discipulus super magistrum, nec servus super dóminum suum. Súfficit discipulo, ut sit sicut magister eius: et servo, sicut dóminus eius. Si patremfamilias Beélzebub vocavérunt: quanto magis domésticos eius? Ne ergo timuéritis eos. Nihil enim est opértum, quod non revelábitur: et occúltum, quod non sciétur. Quod dico vobis in ténebris, dicite in lúmine: et, quod in aure auditis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénnam.

**Antiphona ad Offertorium
Ps. 88, 25**

Véritas mea et misericórdia mea cum ipso: et in nómine meo exaltábitur cornu eius.

Secreta

Pópuli tui, quæsumus, Dómine, tibi grata sit hóstia, quæ pro memória sancti Paulini Mártýris tui atque Pontíficis sollémniter immolá-tur. Per Dóminum nostrum.

Pro votiva tempore paschali Missa Protexisti, de Comuni Martyrum 1 loco, cum orationibus, Epistola et Evangelio ut in Missa præcedenti.

Die 13 septembris

S. MATERNI
EPISCOPI ET CONF.

III classis

Antiphona ad Introitum

Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius.

℣. Glória Patri.

Oratio

Deus, qui diversárum natiónum pópulis præcláros veræ fidei constituísti doctóres: præsta, quæsumus; ut omnes, qui ad beáti Matérni Confessoris tui atque Pontificis festa convéniunt, præsentis prosperitátem vitæ et futúram ætérnæ beatitúdinis glóriam consequántur. Per Dóminum nostrum Iesum Christum Fílium tuum, qui tecum vivit.

Léctio Epístolæ beáti Pauli
Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti sunt verbum Dei: quorum intuéntes éxítum conversatiónis, imitámini fidem. Iesus Christus heri et hódie: ipse et in sácula. Doctrinis váriis et peregrinis nolite abdúci. Optimum est enim grátia stabilire cor, non escis, quæ non profuérent ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontificem, horum córpora cremántur extra castra. Propter quod et Iesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, improperium eius portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini eius. Beneficéntiæ autem et communiónis nolite oblivisci: tálibus enim hóstiis promerétur Deus. Obcédite præpósitis

vestris et subiacéte eis. Ipsi enim pervigilant, quasi ratió-nem pro animábus vestris reditúri.

Graduale Eccli. 44, 16

Ecce sacérdos magnus, qui in diébus suis plácuít Deo. **℣. Ibid., 20** Non est invéntus similis illi, qui conserváret legem Excélsi.

Allelúia, allelúia. **℣. Ps. 109, 4** Tu es sacérdos in ætérnum, secúndum órđinem Melchisedech. Allelúia.

+ Sequéntia sancti Evangelii
secúndum Lucam

Luc. 10, 1-9

In illo témpore: Designávit Dóminus et álios septuaginta duos: et misit illos binos ante faciém suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolite portáre sácculum neque peram neque calceaménta; et néminem per viam salutavéritis. In quamcúmque domum intravéritis, primum

dicite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolite transire de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum.

Secreta

Sancti Matérni Confessoris tui atque Pontificis, quæsumus, Dómine, ánnua sollémnitas pietáti tuæ nos reddat acéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum Iesum Christum Fílium tuum, qui tecum vivit et regnat.

Antiphona ad Communionem
Luc. 12, 42

Fidélis servus et prudens, quem constituit dónus super familiam suam: ut det illis in tēpore tritici mensúram.

Postcommunio

Deus, fidélium remunerátor animárum: præsta; ut beáti Matérni Confessoris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 17 septembris
S. HILDEGARDIS VIRG.

III classis

Antiphona ad Introitum
Ps. 72, 28

MIHI autem adhærere Deo bonum est: pónere in Dómino Deo spem meam: ut annúntiem omnes prædicatiónes tuas, in portis filiæ Sion. **Ps. 40, 13** Me autem propter innocéntiam suscepisti: et confirmásti me in conspéctu tuo in ætérnum.

V. Glória Patri.

Oratio

Deus, qui beátam Hildegárdem Virginem tuam donis cælestibus decorásti: trí-

bue, quæsumus; ut, eius vestigiis et documéntis insistentés, a præsentis sæculi caligine ad lucem tuam delectábilem transire mereámur. Per Dóminum.

Et fit commemoratio Impressionis Ss. Stigmatum S. Francisci Conf.:

Oratio

Dómine Iesu Christe, qui, frigescente mundo, ad inflammandum corda nostra tui amoris igne, in carne beatissimi Francisci passiónis tuæ sacra Stigmata renovásti: concède propítius; ut eius méritis et précibus crucem iúgiter ferámus, et dignos fructus pæniténtiæ faciámus: Qui vivis et regnas.

Léctio Epístolæ beáti Pauli
 Apóstoli ad Corinthios

1 Cor. 1, 26-29

Fratres: Vidéte vocatiónem vestram: quia non multi sapiéntes secúndum carnem, non multi poténtes, non multi nóbiles: sed quæ stulta sùnt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobilia mundi et contemptibilia elégit Deus, et ea quæ non sùnt, ut ea quæ sùnt destrúeret:

ut non gloriétur omnis caro in conspéctu eius.

Graduale **Cant. 3, 4**

Invéni quem diligit ánima mea: ténui eum, nec dimittam. **V.** **Ibid. 6, 2** Ego dilécto meo, et diléctus meus mihi, qui páscitur inter lília.

Allelúia, allelúia. **V. Is. 61, 10** Exsultábit ánima mea in Deo meo: quia induit me vestiméntis salutis, quasi sponsam ornátam monilibus suis. Allelúia.

+ Sequéntia sancti Evangélii
 secúndum Matthæum

Matth. 25, 1-13

In illo tēpore: Dixit Iesus discipulis suis parábolam hanc: Símile erit regnum cælórum decem virgínibus: quæ, accipiéntes lámpades suas, exierunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexé-

runt omnes virgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novíssime vero véniunt et reliquæ virgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigilate itaque, quia nescitis diem neque horam.

Antiphona ad Offertorium

Ps. 41, 2 et 3

Quemádmódum desiderat cervus ad fontes aquárum, ita desiderat ánima mea ad te, Deus. Sitivit ánima mea ad Deum fortem vivum.

Secreta

Sanctæ Hildegárdis Virginituæ festa recoléntes, preces offérimus et hóstias immolámus: præsta, quæsumus, Dómine; ut, cum præsidio temporáli, vitæ nobis præbeant incrementa perpétuæ. Per Dñm.

Pro Impressione Ss. Stigmatum S. Francisci Secreta

Múnera tibi, Dómine, dicáta sanctifica: et, intercedénte beáto Francisco, ab omni nos culpárum labe purifica. Per Dóminum nostrum Iesum Christum Fílium tuum, qui tecum vivit et regnat.

Antiphona ad Communionem Philipp. 1, 20-21

Magnificábitur Christus in córpore meo, sive per vitam, sive per mortem: mihi enim vívere Christus est, et mori lucrum.

Postcommunio

Perpétuo, Dómine, favóre proséquere, quos réficis divíno mystério: et quos imbuísti cæléstibus institútis; eósdem, intercedénte beáta Hildegárde Vírgine tua, salutáribus comítare solátiis. Per Dóminum nostrum Iesum Christum Fílium tuum, qui tecum vivit et regnat.

Pro Impressione Ss. Stigmatum S. Francisci Postcommunio

Deus, qui mira Crucis mystéria in beáto Francisco Confessóre tuo multifórmiter demonstrásti: da nobis, quæsu-

mus; devotiónis suæ semper exéempla sectári, et assídua eiúsdem Crucis meditatióne muníri. Per Dóminum nostrum Iesum Christum Fílium tuum, qui tecum vivit.

In Missis votivis omnia ut supra; sed post Septuagesimam, omissis Allelúia et versu sequenti, dicitur

Tractus Sap. 4, 1-2

O quam pulchra est casta generátio cum claritáte! Immortális est enim memória illius, quóniam et apud Deum nota est, et apud hómines. **V.** Cum præsens est, imitántur illam, et desiderant eam, cum se edúxerit. **V.** Et in perpétuum coronáta triúmphant, incoinquinatórum certáminum præmium vincens.

Tempore autem paschali omittitur graduale, et eius loco dicitur:

Allelúia, allelúia. **V. Ps. 30, 22** Benedictus Dóminus: quóniam mirificávit misericórdiam suam mihi in civitáte munita. Allelúia. **V. Prov. 4, 9** Lætáre, mater nostra, quia dabit Dóminus cápiti tuo augménta gratiárum, et coróna inclita próteget te. Allelúia.

Die 20 septembris
S. LAMBERTI
EP. ET MART.

III classis

Missa Sacerdotes Dei, de Comuni unius Martyris 2 loco, præter orationem sequentem:

Oratio

Intercéssio, quæsumus, Dómine, beáti Lambérto Mártiris tui atque Pontíficis, tuam nobis non désinat placáre iustítiam, et nostrum tibi devótum effícere famulátum. Per Dñm.

Et fit commemoratio Ss. Eustachii et Sociorum Mm.:

Oratio

Deus, qui nos concédís sanctorum Mátyrum tuorum Eustáchii et Sociórum eius natalítia cólere: da nobis in ætérna beatitúdine de eórum societáte gaudére. Per Dóminum.

Secreta

Múnera tibi Dómine, dicáta sanctifica: et, intercedénte beáto Lambérto Mártire tuo atque Pontífice, per éadem nos placátus inténde. Per Dñm.

Pro Ss. Eustachio et Soc.

Secreta

Múnera tibi, Dómine, nostræ devotiónis offerimus: quæ et pro tuórum tibi grata sint ho-

nóre Iustórum, et nobis salutária, te miseránte, reddántur. Per Dóminum nostrum.

Postcommunio

Hæc nos commúnio, Dómine, purget a crimine: et, intercedénte beáto Lambérto Mártire tuo atque Pontífice, cæléstis remédii fáciat esse consórtes. Per Dóminum.

Pro Ss. Eustachio et Soc.

Postcommunio

Præsta nobis, quæsumus, Dómine: intercedéntibus sanctis Mátyribus tuis Eustáchio et Sóciis eius; ut, quod ore contíngimus, pura mente capiámus. Per Dóminum.

Die 25 septembris

SS. *BASINI
ET *LUDWINI
EPISCOPORUM ET CONF.

III classis

Antiphona ad Introitum

Ps. 131, 16-17

SACERDOTES Sion induam salutári, et Sancti eius exsultatióne exsultábunt, dicit Dóminus: illuc producam cornu David, parávi lucérnam Christo meo. **Ps. ibid., 1** Meménto, Dómine, David: et omnis mansuetúdinis eius. **V.** Glória Patri.

Oratio

Deus, qui nos ánnua beatórum Basini et Ludwini Confessorum atque Pontificum sollemnitate lætificas: concède propítius; ut apud misericórdiam tuam pro nostris reátibus intervéniant, qui ecclésiæ tuæ próvidi exstiterunt pastóres et moderatíssimi rectóres. Per Dóminum nostrum.

Léctio Epístolæ beáti Pauli
Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Iesus Christus heri et hódie: ipse et in sácula. Doctrinis váriis et peregrinis nolíte abdúci. Optimum est enim grátia stabilire cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infér-tur sanguis pro peccáto in Sancta per pontificem, horum córpora cremántur extra castra. Propter quod et Iesus, ut sanctificáret per suum sánguinem pópulum, extra portam

passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini eius. Beneficéntiæ autem et communiónis nolíte oblivisci: talibus enim hóstiis promerétur Deus. Obœdíte præpositis vestris et subiacéte eis. Ipsi enim pervigilant, quasi ratiónem pro animábus vestris redditúri.

Graduale Ps. 106, 22 et 32

Sacrificent Dómino sacrificium laudis: et annúntient ópera eius in exsultatióne. **V.** Et exáltent eum in ecclésiá plebis: et in cáthedra seniórum laudent eum.

Allelúia, allelúia. **V.** 2 Paral. 6, 41 Sacerdótes tui, Dómine Deus, induántur salútem, et Sancti tui læténtur in bonis. Allelúia.

+ Sequéntia sancti Evangélii
secúndum Marcum

Marc. 13, 33-37

In illo témpore: Dixit Iesus discipulis suis: Vidéte, vigiláte et oráte: nescitis enim,

quando tempus sit. Sicut homo, qui pégre proféctus reliquit domum suam, et dedit servis suis potestátem cuiúsque óperis, et ianitóri præcépit, ut vigilet. Vigiláte ergo (nescitis enim, quando dóminus domus véniat: sero, an média nocte, an galli cantu, an mane) ne, cum vénerit repénte, invéniat vos dormiéntes. Quod autem vobis dico, ómnibus dico: Vigiláte.

Antiphona ad Offertorium

Ps. 105, 3

Beáti, qui custódiunt iudicium, et fáciunt iustítiam in omni témpore.

Secreta

Hanc nostræ oblatiúnis hóstiam, Deus, gratam óculis tuæ maiestátis efficiant beatórum Basini et Ludwini Pontificum expetíta suffrágia: qui digne in hoc sáculo sacrificia tibi ac preces in salútem pópuli obtulérunt. Per Dóminum nostrum Iesum Christum Fílium tuum, qui tecum vivit.

Antiphona ad Communionem

Marc. 13, 34

Homo pégre proféctus reliquit domum suam, et dedit ser-

vis suis potestátem cuiúsque óperis, et ianitóri præcépit, ut vigilet.

Postcommunio

Mensa cæléstis, omnipotens Deus, intercedéntibus beatórum Basini et Ludwini Pontificum méritis, supérnas in ómnibus vires firmet et áugeat: ut et fidei donum integrum custodiámus, et per osténsium salútis trámitem ambulémus. Per Dóminum nostrum Iesum Christum Fílium tuum, qui tecum vivit et regnat.

Si dicenda sit Missa votiva de S. Basino, seorsim a S. Ludwino, dicitur Missa Stá-tuit, de Communi Confessoris Pontificis 1 loco, cum oratione ut infra:

Oratio

Cælésti benedictiúnem, quæsumus, omnipotens Deus, pópulum tuum sanctífica: et præsta; ut, beáti Basini Confessoris tui atque Pontificis intercessiúnem, in æténa mereátur cum sanctis tuis glória gaudére. Per Dóminum.

Item pro votiva de S. Ludwino sumitur Missa Sacerdótes tui, de Communi Confessoris Pontificis 2 loco, cum oratione sequenti:

Oratio

Deus, qui nos ánnua beáti Ludwíni Confessóris tui atque Pontíficis sollemnitate lætificas: concéde propítius; ut qui Ecclésiæ tuæ próvidus exstitit pastor et rector, idem apud tuam misericórdiam pro nobis precátor accédát. Per Dóminum nostrum.

Die 1 octobris
S. NICETII
EPISCOPI ET CONF.

III classis**Antiphona ad Introitum**

Eccli. 45, 30

STATUIT ei Dóminus testaméntum pacis, et príncipem fecit eum: ut sit illi sacerdotii dignitas in ætérnum. **Ps. 131, 1** Meménto Dómine David: et omnis mansuetúdinis eius.

V. Glória Patri.

Oratio

Omnipotens sempitérne Deus, qui in Sanctórum tuórum exaltatióne es vere mirábilis: da nobis beáti Nicétii Confessóris tui atque Pontíficis ánnuam sollemnitétem cóngrua devotióne celebráre; ut apud maiestátem tuam méritis

ipsíus protegámur et précibus. Per Dóminum nostrum.

Et fit commemoratio S. Remigii Ep. et Conf.:

Oratio

Da, quæsumus, omnipotens Deus: ut beáti Remigii Confessóris tui atque Pontíficis veneránda sollémnitas, et devotióne nobis áugeat et salutem. Per Dóminum nostrum Iesum Christum Fílium tuum, qui tecum vivit et regnat.

Léctio Epístolæ beáti Pauli
Apóstoli ad Hebræos

Hebr. 5, 1-4

Fratres: Omnis póntifex ex hominibus assúptus, pro hominibus constitúitur in iis, quæ sunt ad Deum, ut offerat dona, et sacrificia pro peccátis: qui condolére possit iis, qui ignorant, et errant: quóniam et ipse circúmdatus est infirmitate: et propterea debet, quemádmódu pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron.

Graduale Eccli. 44, 16

Ecce sacerdos magnus, qui in diébus suis plácuít Deo. **V.**

Secreta

Non est invéntus similis illi, qui conserváret legem Excélsi. Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

+ Sequéntia sancti Evangélii secúndum Lucam

Luc. 11, 33-36

In illo témpore: Dixit Iesus discipulis suis: Nemo lucérnam accéndit, et in abscóndito ponit, neque sub módio: sed supra candelábrum, ut qui ingrediúntur, lumen videant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit; si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum.

Sancti Nicétii Confessóris tui atque Pontíficis, quæsumus, Dómine, ánnua sollémnitas pietáti tuæ nos reddat accéptos: ut per hæc piæ placatiónis officia, et illum beáta retribútió comitétur, et nobis grátia tuæ dona conciliet. Per Dóminum nostrum.

Pro S. Remigio Secreta

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum Iesum Christum Fílium tuum, qui tecum vivit et regnat.

Antiphona ad Communionem

Luc. 12, 42

Fidélis servus, et prudens, quem constitúit dóminus super familiam suam: ut det illis in témpore trítici mensúram.

Postcommunio

Deus, fidélium remunerátor animárum: præsta; ut beáti Nicétii Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum nostrum Iesum Christum Fílium tuum, qui tecum vivit.

**Pro S. Remigio
Postcommunio**

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Remigio Confessóre tuo atque Pontífice, beneficia potióra sumámus. Per Dóminum.

Die 5 octobris
SS. OMNIUM
MARTYRUM
TREVIRENSIUM

III classis

Antiphona ad Introitum

Ps. 36, 39

SALUS autem iustórum a Dómino: et protéctor eórum est in témpore tribulatiónis. **Ps. ibid., 1** Noli æmulári in malignántibus: neque zeláveris faciéntes iniquitátem. **V.** Glória Patri.

Oratio

Omnipotens sempitérne Deus, qui per gloriósa bella certáminis immortalitátis triúmphum sanctis Martýribus tuis contulisti: da córdibus nostris dignam pro eórum commemoratióne lætítiam et eórum précibus adiuméntum. Per Dóminum nostrum.

Et fit commemoratio Ss. Placidi et Soc. Mm.:

Oratio

Deus, qui nos concédís sanctórum Mártyrum tuórum Plá-cidi et Sociórum eius natalítia cólere: da nobis in æténa beatitúdine de eórum societáte gaudére. Per Dóminum.

Léctio libri Apocalýpsis
beáti Ioánnis Apóstoli

Apoc. 7, 13-17

In diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo eius: et qui sedet in throno, habitábit super illos: non esúrient neque sítient ámplius, nec cadet super illos sol neque ullus æstus: quóniam Agnus, qui in médio throni est, reget illos et dedúcet eos ad vitæ fontes aquárum: et abstérget Deus omnem lácrimam ab óculis eórum.

Graduale Ps. 78, 10 et 2
Vindica, Dómine, ságuinem Sanctórum tuórum, qui effúsus est. **V.** Posuérunt mortália servórum tuórum escas volatilibus cæli: carnes Sanctórum tuórum béstiis terræ.

Allelúia, allelúia. **V. Ps. 117, 15** Vox exsultatiónis et salutis in tabernáculis iustórum. Allelúia.

**+ Sequéntia sancti Evangélii
secúndum Matthæum**

Matth. 24, 3-13

In illo témpore: Sedénte Iesu super montem Olivéti, accessérunt ad eum discipuli secréto, dicéntes: Dic nobis, quando hæc erunt? et quod signum advéntus tui et consummationis sæculi? Et respóndens Iesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis prælia et opiniónes præliórum. Vidéte, ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ et fames et terræmótus per loca. Hæc autem ómnia

inítia sunt dolórum. Tunc tradent vos in tribulatiónem et occident vos: et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multipseudoprophétæ surgent, et sedúcent multos. Et quóniam abundávit iniquitas, refrigéscet caritas multórum. Qui autem perseveráverit usque in finem, hic salvus erit.

Antiphona ad Offertorium

Sap. 3, 1, 2 et 3

Iustórum ánimæ in manu Dei sunt, et non tanget illos tormentum malítiæ: visi sunt óculis insipiéntium mori: illi autem sunt in pace, allelúia.

Secreta

Múnera nostra, quæ maie-státi tuæ offérimus, Dómine, Mártyrum turba conciliet: et fragilitáti nostræ subsidium dignánter exóret. Per Dóminum nostrum.

Pro Ss. Placido et Soc.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre iustórum; et nobis salutária, te miseránte, reddántur. Per Dóminum.

Antiphona ad Communionem
Ps. 78, 3 et 13

Effuderunt sánguinem Sanctórum tamquam aquam in circúitu Ierúsalem. Nos autem, pópulus tuus et oves páscuæ tuæ.

Postcommunio

Percéptis, Dómine, sacraméntis, suppliciter exorámus: ut, intercedéntibus sanctis Martýribus tuis, quæ pro illórum veneránda gérimus passióne, nobis proficiant ad medélam. Per Dóminum nostrum.

Pro Ss. Placido et Soc.
Postcommunio

Præsta nobis, quæsumus, Dómine: intercedéntibus sanctis Martýribus tuis Plácido et Sóciis eius; ut, quod ore contíngimus, pura mente capiámus. Per Dóminum.

In Missis votivis post Septuagesimam omnia dicuntur ut supra, sed post graduale, omissis Allelúia et versu sequenti, dicitur tractus Qui séminant, ex Missa Intret, de Comuni plurimorum Martyrum 1 loco.

Tempore autem paschali Missa Sancti tui, de Comuni Martyrum 2 loco, cum oratio-

nibus et Epistola ut supra; sed post Epistolam dicitur:

Allelúia, allelúia. **V. Ps. 117, 15** Vox exsultatiónis et salutis in tabernáculis iustórum. Allelúia. **V. Ps. 115, 15** Pretiósá in conspéctu Dómini mors Sanctórum eius. Allelúia.

Die 21 octobris

S. * WENDALINI
CONFESSORIS

III classis

Missa Os iusti, de Comuni Abbatum, cum orationibus ut infra:

Oratio P

Concède, quæsumus, omnipotens Deus: ut, qui beáti Wendalini Confessoris tui solémnia celebrámus, eius apud te patrocíniis adiuvémur. Per Dóminum nostrum.

Et fit commemoratio S. Hilariónis Abbatis:

Oratio

Intercéssio nos, quæsumus, Dómine, beáti Hilariónis Abbátis comméndet: ut, quod nostris méritis non valémus, eius patrocínio assequámur. (Per Dóminum nostrum.)

Deinde fit commemoratio Ss. Ursulæ et Sociarum Vv. et Mm.:

Oratio

Da nobis, quæsumus, Dómine, Deus noster, sanctárum Virgínium et Mártyrum tuárum Ursulæ et Sociárum eius palmas incessábili devotióne venerári, ut, quas digna mente non póssumus celebráre, humilibus saltem frequentémus obséquiiis. Per Dóminum nostrum.

Secreta P

Præsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos córpore páriter et mente purificet. Per Dóminum nostrum.

Pro S. Hilarione Secreta

Sacris altáribus, Dómine, hóstias superpósitas sanctus Hilárion Abbas, quæsumus, in salútem nobis provenire depóscat. (Per Dóminum.)

Pro Ss. Ursula et Soc.

Secreta

Inténde, quæsumus, Dómine, múnera altáribus tuis pro sanctárum Virgínium et Mártyrum tuárum Ursulæ et So-

ciárum eius festivitáte propósita: ut, sicut per hæc beáta mystéria illis glóriam contulisti; ita nobis indulgéntiam largiáris. Per Dóminum.

Postcommunio P

Quæsumus, omnipotens Deus: ut, qui cæléstia aliménta percépimus, intercedénte beáto Wendalino Confessore tuo, per hæc contra ómnia advérsa muniámur. Per Dóminum nostrum.

Pro S. Hilarione
Postcommunio

Prótegat nos, Dómine, cum tui perceptióne sacraménti beátus Hilárion Abbas, pro nobis intercedéndo: ut et conversatiónis eius experiámur insignia, et intercessiόνis percipiámus suffrágia. (Per Dóminum nostrum.)

Pro Ss. Ursula et Soc.
Postcommunio

Præsta nobis, quæsumus, Dómine: intercedéntibus sanctis Virgínibus et Martýribus tuis Ursula et Sociábus eius: ut, quod ore contíngimus, pura mente capiámus. Per Dóminum nostrum Iesum Christum Filium tuum, qui tecum vivit et regnat.

Die 22 octobris
S. *LUBENTII
CONFESSORIS

III classis

Missa Os iusti, de Comuni Confessoris non Pontificis 1 loco, præter orationem sequentem:

Oratio P

Deus, qui pópulo tuo beátum Lubéntium Confessórem grátia prædicatiónis et operatióne virtútum mirábilem effecísti: concéde nobis; et ea quæ dócuit, intelléctu conspícere, et quæ egit, imitatióne complére. Per Dóminum nostrum Iesum Christum Fílium tuum, qui tecum vivit.

Secreta C

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus et futúris. Per Dóminum nostrum.

Postcommunio C

Refécti cibo potúque cælésti, Deus noster, te súpplíces exorámus: ut, in cuius hæc commemoratióne percépimus, eius muniámur et précibus. Per Dóminum nostrum Iesum Christum Fílium tuum, qui tecum vivit et regnat.

Die 31 octobris
S. WOLFGANGI
EPISCOPI ET CONF.

III classis

Missa Sacerdótes tui, de Comuni Confessoris Pontificis 2 loco, præter orationem sequentem:

Oratio P

Deus, qui nobis æternæ salutis beátum Wolfgángum Episcopum ministrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum nostrum.

Secreta C

Sancti Wolfgángi Confessoris tui atque Pontificis, quæsumus, Dómine, ánnua sollémnitas pietáti tuæ nos reddat acceptos: ut, per hæc piæ placatiónis officia, et illum beáta retribútió comitétur, et nobis grátia tuæ dona concíliet. Per Dóminum nostrum.

Postcommunio C

Deus, fidélium remunerátor animárum: præsta; ut beáti Wolfgángi Confessoris tui atque Pontificis, cuius venerándam celebrámus festivitátem, précibus indulgéntiam consequámur. Per Dóminum.

Die 3 novembris
S. HUBERTI
EPISCOPI ET CONF.

III classis

Missa Státuit, de Comuni Conf. Pont. 1 loco, præter orationes sequentes:

Oratio P

Deus, qui perénnem glóriam sancti Hubérti Confessoris tui atque Pontificis animæ contulísti: tribue, quæsumus, eius apud te ita patrocíniis adiuvári; ut cum eo vitam possideámus æternam. Per Dóminum nostrum.

Secreta P

Sit tibi, quæsumus, Dómine, nostræ devotiónis oblátio acceptábilis: ut, beáto Hubérto Confessóre tuo atque Pontífice intercedénte, et tuæ pláceat maiestáti, et nostræ proficiat infirmitáti. Per Dóminum.

Postcommunio P

Beáti Confessoris tui atque Pontificis Hubérti, quæsumus, Dómine, précibus adiuvémur: ut, quod ore contingimus, pura mente capiámus. Per Dóminum nostrum Iesum Christum Fílium tuum, qui tecum vivit et regnat.

Die 5 novembris
SACRARUM
RELIQUIARUM

quæ in ecclesiis diocesis asservantur

III classis

Antiphona ad Introitum

Ps. 33, 20-21

MULTÆ tribulatiónes iustórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. Ps. *ibid.*, 2 Benedícam Dóminum in omni témpore: semper laus eius in ore meo.

¶ Glória Patri.

Oratio

Auge in nobis, Dómine, resurrectiόnis fidem, qui in Sanctórum tuórum Relíquiis mirabilia operáris: et fac nos immortalis glóriæ partícipes; cuius in eórum cinéribus pígnora venerámur. Per Dóminum nostrum.

Léctio libri Sapiéntiæ

Eccli. 44, 10-15

Hi viri misericórdiæ sunt, quorum pietátes non defuerunt: cum sémine eórum permanent bona, heréditas sancta

nepótes eórum, et in testamén-
tis stetit semen eórum: et filii
eórum propter illos usque in
ætérnum manent: semen eórum
et glória eórum non derelinqué-
tur. Córpora ipsórum in pace
sepúlta sunt, et nomen eórum
vivit in generatióem et gene-
ratióem. Sapiéntiam ipsórum
narrent pópuli, et laudem eó-
rum núnctiet Ecclésia.

Graduale Ps. 149, 5 et 1

Exsultábunt Sancti in glória:
lætábuntur in cubilibus suis.
V. Cantáte Dómino cánticum
novum: laus eius in ecclésia
sanctórum.

Allelúia, allelúia. **V. Ps. 67, 4**
Iusti epuléntur et exsúltent in
conspéctu Dei: et delecténtur
in lætítia. Allelúia.

**+ Sequéntia sancti Evangélii
secúndum Lucam**

Luc. 6, 17-23

In illo témpore: Descéndens
Iesus de monte, stetit in loco
campéstri, et turba discipuló-
rum eius, et multitúdo copiósa
plebis ab omni Iudæa, et Ie-
rúsalem, et marítima, et Tyri,
et Sidónis, qui vénerant, ut au-
dissent eum et sanaréntur a lan-
guóribus suis. Et, qui vexabán-
tur a spirítibus immúdis, cu-

rabántur. Et omnis turba quæ-
rébat eum tángere: quia virtus
de illo exíbat, et sanábat om-
nes. Et ipse, elevátis óculis in
discípulos suos, dicébat: Beáti,
páuperes: quia vestrum est
regnum Dei. Beáti, qui nunc
esurítis: quia saturabimini.
Beáti, qui nunc fletis: quia ri-
débitis. Beáti éritis, cum vos
óderint hómines, et cum sepa-
ráverint vos et exprobráverint,
et eiécerint nomen vestrum
tamquam malum, propter Fi-
lium hóminis. Gaudéte in illa
die et exsultáte: ecce enim,
merces vestra multa est in
cælo.

Antiphona ad Offertorium

Ps. 67, 36

Mirábilis Deus in Sanctis suis:
Deus Israel, ipse dabit virtú-
tem et fortitúdinem plebi suæ:
benedictus Deus, allelúia.

Secreta

Implorámus, Dómine, clemén-
tiam tuam: ut Sanctórum tu-
órum, quorum Reliquias vene-
rámur, suffragántibus méritis,
hóstia, quam offérimus, nostró-
rum sit expiátio delictórum.
Per Dóminum nostrum Iesum
Christum Fílium tuum, qui te-
cum vivit et regnat.

Antiphona ad Communionem

Ps. 32, 1

Gaudéte, iusti, in Dómino: rec-
tos decet collaudátio.

Postcommunio

Multiplica super nos, quæ-
sumus, Dómine, per hæc
sancta, quæ súmpsimus, mise-
ricórdiam tuam: ut, sicut in
tuórum sollemnitate Sanctó-
rum, quorum Reliquias còli-
mus, pia devotióne lætámur;
ita eórum perpétua societáte,
te largiénte, fruámur. Per Dó-
minum nostrum.

Die 6 novembris

S. MODESTÆ VIRGINIS

III classis

**Missa Dilexisti, de Comuni
Virginum 3 loco.**

Oratio

Exáudi nos, Deus, salutáris
noster: ut, sicut de beátæ
Modéstæ Virginis tuæ festivi-
táte gaudémus; ita piæ devo-
tiónis erudiámur afféctu. Per
Dóminum nostrum.

Secreta

Accépta tibi sit, Dómine, sa-
crátæ plebis oblátio pro
tuórum honóre Sanctórum:
quorum se méritis de tribula-

tióne percepisse cognóscit au-
xilium. Per Dóminum.

Postcommunio

Satiásti, Dómine, familiam tu-
am munéribus sacris: eius,
quæsumus, semper interven-
tióne nos réfove, cuius sollém-
nia celebrámus. Per Dóminum
nostrum Iesum Christum Fi-
lium tuum, qui tecum vivit.

Die 7 novembris

**S. WILLIBRORDI
EPISCOPI ET CONF.**

III classis

**Missa Státuit, de Comuni
Confessoris Pontificis 1 loco,
cum orationibus ut infra:**

Oratio

Deus, qui ad prædicándam
géntibus glóriam tuam
beátum Willibrórdum Confes-
sórem tuum atque Pontificem
míttre dignátus es: da nobis,
eius intercessióne; in eiúsdem
glóriæ revelatióne gaudére læ-
tántes. Per Dóminum.

Secreta

Réspice, Dómine, múnera pó-
puli tui, sancti Præsulis
Willibrórdi festivitáte votiva:
et tuæ testificatio veritátis no-
bis proficiat ad salutem. Per
Dóminum nostrum.

Postcommunio P

Vivificent nos, Dómine, sacraménta, quæ sumpsimus: et, intercedente beáto Willibrórdo Confessore tuo atque Pontífice, in tuæ proficiant caritátis augmentum. Per Dóminum nostrum Iesum Christum Fílium tuum, qui tecum vivit et regnat in unitáte Spíritus Sancti, Deus.

Die 10 novembris

In ecclesiis et cappellis et oratoriis consecratis diœcesis excepta Cathedrali:

**IN DEDICATIONE
PROPRIÆ ECCLESIAE**

I classis

**Missa Terribilis, de Communi
Dedicationis Ecclesiæ sine
commemoratione. Credo.**

Die 11 novembris

**S. MARTINI
EPISCOPI ET CONF.**

III classis

**Missa Státuit, ut in Proprio de
Sanctis, eadem die 11 novembris.**

**Et fit commemoratio S. Menæ
Martyris, ut in Proprio de
Sanctis hac ipsa die.**

Die 13 novembris
**S. CUNIBERTI
EPISCOPI ET CONF.**

III classis

**Antiphona ad Introitum
Eccli. 45, 30**

STATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **V. Glória Patri.**

Oratio

Concède nobis, omnipotens Deus: ut beáti Cuniberti Confessoris tui atque Pontificis, et méritis exsultémus et extollámur suffrágiis. Per Dóminum nostrum Iesum Christum Fílium tuum, qui tecum vivit et regnat.

Et fit commemoratio S. Didaci Conf.:

Oratio

Omnipotens sempitérne Deus, qui dispositióne mirabili infirma mundi éligis, ut fórtia quæque confúndas: concède propítius humilitáti nostræ; ut, piis beáti Didaci Confessoris tui précibus, ad perennem in cælis glóriam sublimári mereámur. Per Dómi-

num nostrum Iesum Christum Fílium tuum, qui tecum vivit et regnat.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est iustus: et in tēpore iracúndiæ factus est reconciliátio. Non est invéntus similis illi, qui conservávit legem Excélsi. Ideo iureiurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput eius. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offerre illi incénsus dignum in odórem suavitátis.

Graduale Eccli. 44, 16

Ecce sacerdos magnus, qui in diébus suis plácuít Deo. **V. Ibid., 20** Non est invéntus sí-

milis illi, qui conserváret legem Excélsi.

Allelúia, allelúia. **V. Ps. 109, 4** Tu es sacerdos in ætérnum, secúndum órđinem Melchisedech. Allelúia.

**+ Sequéntia sancti Evangélii
secúndum Lucam**

Luc. 11, 33-36

In illo tēpore: Dixit Iesus discípulis suis: Nemo lucernam accéndit, et in abscóndito ponit, neque sub módio: sed supra candelábrum, ut, qui ingrediúntur, lumen videant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, tēnebræ sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Antiphona ad Offertorium

Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráccium meum confortábit eum.

Secreta

Omnipotens sempitérne Deus, múnera tuæ maiestáti obláta, per intercessiónem sancti Cunibérti Confessóris tui atque Pontíficis, ad perpétuam nobis fac proveníre salutem. Per Dóminum nostrum.

Pro S. Didaco Secreta

Præsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos córpore páriter et mente puríficet. Per Dóminum nostrum.

**Antiphona ad Communionem
Luc. 12, 42**

Fidélis servus et prudens,
quem constituit dóminus super

famíliam suam: ut det illis in tēpore tritici mensúram.

Postcommunio

Tua nos, Dómine, sancta suméntes: intercedénte beáto Cunibérto Confessóre tuo atque Pontífice, ab ómnibus protegámur advérsis. Per Dóminum nostrum Iesum Christum Fílium tuum, qui tecum vivit et regnat.

**Pro S. Didaco
Postcommunio**

Quæsumus, omnipotens Deus: ut, qui cæléstia aliménta percépimus, intercedénte beáto Dídaco Confessóre tuo, per hæc contra ómnia advérsa muniámur. Per Dóminum nostrum Iesum Christum Fílium tuum, qui tecum vivit.

SACRA CONGREGATIO
RITUUM

Prot. N. T. 45/961

TREVIREN.

Præsens Proprium Missarum, redactum iuxta Instructionem Sacræ Rituum Congregationis diei 14 Februarii 1961, Sacra eadem Rituum Congregatio, vigore facultatum sibi a Sanctissimo Domino nostro Ioanne Papa XXIII tributarum, revisione rite peracta, recognovit ac probavit, illudque in diœcesi Trevirensi adhiberi benigne concessit: servatis de cetero rubricis, et iniuncto onere duplex eiusdem Proprii exemplar, postquam typis editum fuerit, ad Sacram eandem Congregationem transmittendi.

Contrariis non obstantibus quibuslibet.

Die 13 aprilis 1962

L. † S.

s. HENRICUS DANTE S. R. C. a secr.

s. Joachim Sormanti, Subst.

APPROBATIO

Concordat cum originalibus approbatis.

Treviris, die 4 decembris 1962

DR. WEINS
vic. gen.

IMPRIMATUR.

Ratisbonæ, die 7 decembris 1962

DR. C. HOFMANN
vic. gen.

INDEX ALPHABETICUS

| | | | |
|--|-----|---|-----|
| Agritii Ep. et Conf., 19 ianuarii | 8* | Mariæ B. Virg. Conceptio immaculata, Patronæ Diocesis, 8 decembris | 1* |
| *Banti et *Beati Cc., 1 augusti | 34* | Martini Ep. et Conf., 11 novembris | 62* |
| Barbaræ Virg. et Mart., 4 decembris | 1* | Materni Ep. et Conf., 13 septembris | 44* |
| *Basini et *Ludwini Epp. et Cc., 25 sept. | 49* | Matthiæ Apostoli, Patroni principalis Diocesis 24 vel 25 februarii | 13* |
| *Beati et *Banti Cc., 1 augusti | 34* | Maximini Ep. et Conf., 29 maii | 28* |
| Bonifatii Ep. et Mart., 5 iunii | 31* | Modestæ Virg., 6 novembris | 61* |
| *Bonosi Ep. et Conf., 17 februarii | 12* | Modoaldi Ep., et Conf., 12 maii | 26* |
| *Britonii Ep. et Conf., 6 maii | 24* | Nicetii Ep. et Conf., 1 octobris | 52* |
| *Castoris Conf., 13 februarii | 12* | Omnium Ss. Episcoporum Trevir., 18 ianuarii | 6* |
| Clementis Mariæ Hofbauer Conf., 15 martii | 16* | Omnium Ss. Martyrum Trevir., 5 octobris | 54* |
| Conradi a Parzham Conf., 23 aprilis | 19* | Paulini Ep. et Mart., 31 augusti | 41* |
| Cuniberti Ep. et Conf., 13 novembris | 62* | Petri, Titularis Ecclesiæ Cathedralis et Civitatis Trevirensis Patroni, ac Pauli App., 29 iunii | 31* |
| Cunigundis Imperatricis, Viduæ, 3 martii | 15* | Petri Chrysologi Ep., Conf. et Eccl. Doct., 2 dec. | 1* |
| Dedicatio propriæ Ecclesiæ, 10 novembris | 24* | Petri Canisii Conf. et Eccl. Doct., 27 aprilis | 20* |
| *Disibodi Ep. et Conf., 9 iulii | 32* | Petri Forerii Conf., 10 decembris | 4* |
| Eucharitii Ep. et Conf., 9 decembris | 2* | *Quiriaci Conf., 11 martii | 15* |
| *Gertrudis Altenburgensis Virg., 13 augusti | 37* | Reliquiarum sacrarum, quæ in Ecclesiis Diocesis asservantur, 5 novembris | 59* |
| Gertrudis Nivellensis Virg., 17 martii | 16* | *Ruperti Conf., 14 maii | 27* |
| Goaris Conf., 6 iulii | 31* | Simeonis Conf., 1 iunii | 29* |
| Gregorii Ep. et Conf., 25 augusti | 41* | Tunicæ D. N. I. C., Feria IV infra Hebdom. III post Octavam paschæ | 22* |
| Helenæ Imperatricis, Viduæ, 18 augusti | 38* | Udalrici Ep. et Conf., 4 iulii | 31* |
| Hermanni Iosephi Conf., 7 aprilis | 17* | Valerii Ep. et Conf., 3 februarii | 10* |
| Hildegardis Virg., 17 septembris | 46* | *Wendalini Conf., 21 octobris | 56* |
| Huberti Ep. et Conf., 3 novembris | 59* | Willibrordi Ep. et Conf., 7 novembris | 61* |
| Irminæ Abbatissæ, Viduæ, 3 ianuarii | 5* | *Willigisi Ep. et Conf., 25 vel 26 februarii | 13* |
| Lamberti Ep. et Mart., 20 septembris | 49* | Wolfgangi Ep. et Conf., 31 octobris | 58* |
| Leonis IX Papæ et Conf., 19 aprilis | 18* | | |
| *Lubentii Conf., 22 octobris | 58* | | |
| *Ludwini et *Basini Epp. et Cc., 25 septembris | 49* | | |
| Magnerici Ep. et Conf., 27 iulii | 32* | | |

Asterisco ad nomen aliquorum Sanctorum apposito indicatur hos Sanctos neque in Martyrologio Romano descriptos esse neque publico cultu a Sancta Sede certe decreto vel confirmato gaudere, sed ex sola consuetudine immemorabili honorari; quorum cultus proinde neque augeri neque extendi potest inconsulta Sancta Sede.